

四庫全書

集部

欽定四庫全書

集部
四六標準卷二十五

詳校官庶吉士_臣何道沖

主事_臣呂雲棟覆勘

總校官進士_臣繆琪

校對官助教_臣羅萬選

謄錄監生_臣李玠

欽定四庫全書

四六標準卷三十五

宋 李劉 撰

憲使

東萊呂氏曰太宗即位之久天下無事淳化初詔諸路轉運使各命常參官一人專知糾察州

軍刑獄公事此初置外路刑獄官之始是時猶隸轉

運司然行之二年勞擾無補於是淳化四年降詔省

罷委轉運司振舉之真宗景德四年復置不隸轉運

別為一司稍重其權矣仍借緋紫以三年為任增給

緡錢如轉運使之數當日詔旨專為刑禁詞訟冤枉

天禧中已兼勸農一事至仁宗天聖六年詔令諸路

提點刑獄司朝臣使臣交割本職公事與轉運司副

令轉運司條所省事件以聞既罷兩年天聖八年復

置專罷至明道二年復置自後提刑一司雖專以刑

獄為事封樁錢穀盜賊保甲軍器河渠事務浸繁權

勢益重而漕使所總惟財賦綱運之責而已司局愈多官吏愈衆而事愈不治今日之弊正在按察司官之不也

賀李知府除潼川提刑

錫。一作錫。

丹檢起家

說文檢書署也徐曰書函之蓋也三刻其上繩緘之然後填以泥題書而印之也詳別見

繡衣問俗

唐貞觀六年分遣蕭瑀李靖等巡省天下延問疾苦觀風俗之得失察刑政之苛弊故

國非喬木之謂世選爾勞

尚書世選爾勞予不掩爾善

奕葉茂猗蘭

之光汝陳時臬

杜詩仙李盤根大猗蘭奕葉光尚書汝陳時臬事疏臬為準限之義

星言

雙節

詩星言風駕新唐書百官志節度使辭日賜雙旌雙節

風聳列城

賈琮傳百城聞風自

然悚震

蔡惟某官器博而通材弘以毅卓犖坐空於萬馬

卓犖超絕也晉孫綽潁州府君碑天縱傑邁奇逸卓犖韓文卓犖為傑音力角切

笑談立解於

千牛謂之檇杙謂之春秋素高家學有若伊陟有若臣

扈宜襲世官與其勞四國之蕃宣不若奉六條而廉察

竝見前

公私之積可痛有賴阜通

漢食貨志漢之為漢幾四十年矣公私之積猶

可哀痛失時不雨民且狼顧

輕重諸罰有權尤資閱實

尚書輕重諸罰有權刑罰

世輕世重又其罰百錢閱實其罪

昔者鯉趨而獨立今茲虎拜以揚休

載馳載驅共說西平之有子善繼善述更觀東府之象

賢某濫守憇棠復依蔭越

竝見前

作鹹作辛作苦幾不容

一日之安

尚書潤下作鹹炎上作苦曲直作酸從草作辛稼穡作甘

惟內惟貨惟來

詎敢逾二天之按

尚書五過之疵惟官惟反惟內惟貨惟來其罪惟均其審克之

其為

歸倚罔既編摩

賀潼川李提刑除夔路提刑

錫

自天出緯易地褰帷家人有嚴君焉舊膺此選皇華遣使臣也今世其官雖曰因避親之嫌亦見善繼人之志

夔藩幸甚

竝見前

梓部駭然

潼川即隋梓州因梓潼水為名姚合送楊尚書赴東川詩

却毅詩書將
街恩到梓州
恭惟某官器重以周材弘且毅與人忠而

執事敬見善明而用心剛四國于蕃茂甘棠之蔽芾六

轡如組訝苞栩之逶迤曾未煖席之間條有改轅之命

竝見
惟四蜀之門戶董鉞制勝樓序變為一路當左右全蜀之口倚三峽為

吭咽水經注廣溪峽巫峽西陵峽為三峽丁公言記夔州憑高控深咽喉巴峽吭寒剛切咽也亦作亢爾

雅亢鳥隴亦作肱
妻敬傳搯其肱
昔先正保衡於此展澄清之志尚書

正保衡作
我先王
今命汝大正庶乎體欽恤之心尚書今予命汝作大正正

于羣僕侍
御之臣
遙知叱馭以驅之見前會有解印而去者朱穆

為冀州刺史冀令長聞穆濟河解印綬去者四十餘人及到奏劾諸部至有自殺者賈琮傳其諸賊過者望風

解印綬去忠信缺矣蓄積缺矣暫勞僂節之馳詩序皇皇者華廢則忠信

缺矣華黍廢錢穀幾何刑獄幾何佇對九宸之問王陵傳天

下一歲決獄幾何錢穀一歲出入幾何九宸猶言九重說文宸屋宇也廣韻天子之居增韻帝居北辰之宮故

從辰某方依雲覆忽報星移王勃詩物換星移幾度秋雖難留有脚

之陽春然尚冀驩顏於廣夏見前送我而入楚澤固猶恨

遠水之遮韓詩堆堆路傍堠一雙復一隻迎我出秦關送我入楚澤千以高山遮萬以遠水隔思

君而下渝州會問訊清溪之發李詩夜發清溪向三峽思君不見下渝州互見

前
其為懽懽罔既編摩

賀潼川王提刑 禧

奏最觀風詳刑易地

劉愷傳以輕從重懼及善人非先王詳刑之意也注書曰有邦有土

告爾詳刑鄭玄註詳審察之也晉書元帝紀布帳練帷詳刑簡化詳見前

天旋夔峽垂先來

近於蔚藍

少陵續得觀書定出三峽詩天旋夔子峽春近岳陽湖又冬到金華山觀因得故拾遺陳

公遺迹詩涪右衆山內金華紫崔嵬上有蔚藍天垂光抱瓊臺潼川在涪江之右故云涪右蔚藍洞天名一云

蔚藍青色韓子蒼詩水色山光盡蔚藍是也老學菴筆記蔚藍乃隱語天名非可以義理解也如杜詩所云猶

未有害韓子蒼乃云水色天光共蔚藍乃謂星入益都天與水之色俱如藍耳恐又因杜詩而失之

載驟復歌於芭栩

詩駕彼四駱載驟駸駸餘見前

仁聲籍甚封部驩然

恭惟某官從容以和

尚書寬而有制從容以和

洵美且直自為名進

士之日蔚有古君子之風既疇庸磊落之州

柳文皇天疇庸審厥

保承杜詩綿州府何磊落顯慶年中越王作互見前

合入從通明之殿

東坡詩侍臣鵠

立通明殿一朵紅雲捧玉皇

顧煩雙節往控三巴

孟浩然詩荆門控三巴

蜂腰

鶴膝之饑忙復盈膚革

南史齊陸厥傳沈約等文皆用四聲制韻有平頭上尾蜂腰鶴

膝此借用以擬饑民之狀忙通作氓說文民也周禮遂人注氓猶懵懵無知貌詩忙之虫虫亦作萌劉向傳民萌何以戒勉革猶皮也禮記四體既正膚革克盈人之肥也疏云膚是革外薄皮革是膚內之厚皮革也

雀

角鼠牙之滯訟洞燭肺肝

陸佃埤雅云雀角鼠牙皆言以無為有以是為非也蓋雀

有味而無角鼠有齒而無牙雀依人又晝動而無角在首且所穿者屋事之易察者也鼠畏人又夜動而無牙在口且所穿者墉事之難知者也召南之初事之易察者至于獄而後明及其久也衰亂之俗已微貞信之教已興則雖事之難知者不待訟而明矣故于雀言獄鼠言訟也古井無波白樂天詩無波古井水有節秋竹竿東坡詞無波陽春有脚還濡牡轡見前來顧鶴

真古井有節是秋筠

林杜陵望牛頭寺詩牛頭見鶴林梯徑繞幽深春色浮

歌老回者不住心注鶴林即靈仙禮樂言遠而有光既

觀也按牛頭鶴林皆潼川勝地

接鄉閭之近刑罰不中則無措更兼倉庾之平

提刑兼提舉常

平雖則劬勞又復馳驅於原隰周爰諮度便當獻納於
軒墀某乘障非材奉身受察五善重拜忻聞君子之得
與百拙一勤儻許小人之全璧竝見前其為頌詠未易編
摩

通劉提刑屋

丹墀賜對繡斧詳刑君遣使臣固先華於在遠俱見前獄

為司命必明謹而不留

漢書獄者人之大命易山上有火旅君子以明慎用刑而不留

獄一賢觀風萬物吐氣恭惟某官氣涵方重識抱浚明

有分限
者九
障百川迴狂瀾海為縮足
韓文障百川而東顧

退須於榮戟
榮遣禮切前漢書匈奴傳有衣之戟曰榮戟師古曰以赤白繒為之後漢書杜詩傳

賜以榮戟
漢雜事曰漢制假以代斧鉞崔豹古今注榮戟前驅之器以木為之後代刻偽無復典刑以赤油韜

之亦謂之油戟
亦曰榮復出駕於輶軒
食貨志輶車師古曰輶小車

也外戚傳
軒中得幸師古曰司長沙萬里之平惟良折

軒謂軒車
即今車之施轡者

獄
韓詩長沙萬里平勝地猶在澄洞庭九州之大何擇

非人
韓詩洞庭九州間厥大誰與讓尚徒知察小大之

情
禮記必察小大之比而必不容上下其手
見第十一卷代表子

固謝縣宰
寬假條

周爰咨度即開衡嶽之雲

詩載馳載驅周爰咨度韓退之謁衡

嶽廟詩我來正逢秋雨節陰氣晦昧無清風須臾靜掃衆峰出仰見突兀撐青空

慨然澄清何

愧滄浪之水

范滂傳登車攬轡慨然有澄清天下之志世說新語陳仲舉言為士則行為世範登

車攬轡有澄清天下之志尚書又東為滄浪之水永初山川記漢水古為滄浪即漁父所歌滄浪之水清兮者

今滄浪之水合流出鐔城北界山北蓋後人名之非古滄浪也一統志滄浪水在今常德府龍陽縣西一十五

里自滄山浪山發源合流為滄浪之水漁父歌滄浪即此水也

所恐思賢於宣室

刑法志上

常幸宣室如淳曰宣室布政教之室也晉灼曰未央宮中有宣室殿師古曰具殿在前殿之側賈誼傳誼為長沙太傅文帝思而召之入見上方受釐坐宣室東方朔傳宣室者先帝之正處何武傳召見武等於宣室陳湯

傳上名見湯宣室王嘉傳召還當問路於修門歸去來辭問徂

夫以前路宋玉招魂魄兮來某起家一寒去國三暑強

顏倚席肯慙洛下之生司馬遷傳及已至此言不辱者所謂強顏耳後漢書儒林傳博

士倚席不講注倚席言不施講坐也樊準傳博士倚席不講儒者競論浮麗謝安傳安能為洛下書生詠南史

張融傳賊將殺食之融箱尾對牆今補黔中之佐韓文

神色不動方作洛生詠箱尾對牆今補黔中之佐韓文

左手右手摘紙尾又南牆鉅竹千挺對樹二松日哦其

間張儀傳秦要楚欲得黔中地白起傳取楚定巫黔中

郡蘇秦傳一軍出武關一雖云貳郡正隸六條見前廉不

軍下黔中則郢郢動矣

掩聾敢歎丞哉之余負黃霸傳許丞廉吏雖老尚能

拜起送迎正頗重聽何傷慙

今成癖亦惟使者之汝容

東坡詩勸農使者不汝容因君作詩先自効

通成都周提刑

居信

捫參歷井再為油幕之趨

李詩捫參歷井仰脅息韓詩談笑青油幕杜詩曰頭趨幕

府挹斗揚箕總隸繡衣之察

詩維南有箕不可以簸揚維北有斗不可以挹酒漿

餘見前

欲徹畸孤之名字

畸居宜切說文殘田也通作奇

例須耦儷之簡

書

耦通作偶儷也又二也隻曰奇雙曰偶儷偶也左傳不能庇其伉儷又畏此簡書

斐然拙毫

謝莊月賦抽毫進牘以命仲宣

滂若下汗

吳質書申之再三赧然下汗

伏念某學未

聞道年不後人

見前

亦知富貴之浮雲不如貧賤豈無名

教之樂地何必事功

樂廣傳名教內自
有樂地何必乃爾

直以饑驅陶詩
饑來

驅我
去

為此祿仕西望太白窘峽水之倒流

東坡詩西望
太白橫岷峨

餘見
前

東訪蓬萊值海風而引去不謂詩書之元帥

竝見
前

尚憐鄉里之小兒

陶潛傳吾不能為五斗米折腰拳拳
事鄉里小人杜詩五陵豪貴反顛倒

鄉里小兒
狐白裘

表之鶚書隨以馬幣

韓文謨書詞具馬
幣卜日以授使者

遂冒

瞿唐五六月之險

韓詩瞿唐五六月驚電讓歸
船怒水忽中裂千尋墮幽泉

來訪巫

山十二峰之高

齊王融巫山高詩想像巫山高薄暮陽
臺曲梁范雲巫山高詩巫山高不極白

日隱光輝梁元帝詩巫山高不窮迴出荆門中陳蕭詮
詩巫山映巫峽高高殊未窮隋凌敬詩巫山鬱峩亮高

高入紫霄唐闔立本詩巫山高半天起絕壁千仞盡
相似喬知之詩巫山十二峰參差互相見宋之間詩巫
山峰十二環合像昭回李端詩巫山十二峰皆在碧虛
中孟郊詩巴江上峽重復重陽臺碧峭十二峰十二峰

見揆材地以闕然

魏書辛雄傳選補之法妙盡才望如
不可竝後地先才晉書王蘊傳遷吏

部尚書郎每一官缺求者十輩蘊輒連狀白之曰某人
有地某人有才務存進達各隨其方故不得者無怨焉
陳書蔡嶷傳嶷年位未高而才地為時所重後主謂蔡
徵曰蔡嶷負地矜才無所用也王通傳王生才地豈可
游外

託使天之近只恭惟某官人今而心古

韓詩孟生
江海士古

貌又行峻而氣平少年公瑾之綸巾豈甘寂寂

吳志周
瑜字公

瑾廬江舒人長壯有姿貌孫策授建威中郎將時年二
十四吳中皆呼為周郎東坡赤壁懷古詞遙想公瑾當

年小喬初嫁了雄姿英發羽扇綸巾談笑間檣灰飛
烟滅晉書謝萬傳萬著白綸巾鶴氅裘履版而前又嘗
衣白綸巾乘平肩輿鄧粲晉書王敦欲伐甘卓遣使送
白綸巾與卓卓不受梁書賀德基衣資罄乏嘗於白馬
寺前逢一婦人脫白綸巾以贈之他日伯仁之金印徑
南史王融傳為爾寂寂鄧禹笑人

可繫繫

周顗傳王敦舉兵王導詣闕請罪值顗將入導
呼顗曰伯仁以百口累卿顗不與言顧左右曰

今年殺諸賊奴取金如斗大繫肘石居然盤旋州縣之
顯傳印何繫繫師古曰繫繫重積也

間

詩居然生子孔疏居處默然盤本作槃蔡邕
傳槃旋乎周孔之庭宇韓文隱者之所盤旋無乃培

養廟廊之業勇訪半輪之月

李詩峨嵋山月半輪秋徑登九折之

塗

九折坂在今雅州邛崃山路阻峻回
曲九折乃至山上即漢王尊叱馭處
載酒凌雲頓釋

里閭之愁歎

凌雲寺在今嘉定州治東唐岑參詩寺出飛鳥外青峯載朱樓構壁躋半空喜得登

上頭始知宇宙闊下看三江流天晴見峨眉如在波上游東坡送張嘉州詩少年不願萬戶侯亦不願識韓荆

州願願身為漢嘉守載酒時作凌雲游

埋輪當道欲周原隰之咨諏

張綱傳餘

人受命之部綱獨埋其輪於洛陽都亭曰豺狼當道安問狐狸

何敬非刑惟明克允

見前

歛此大惠亦既洽魚鳧之民

韓文歛此大惠兮施于一州餘見前

訖其外

庸即歸接夔龍之武

韓文迄其外庸可作承輔新唐書上官儀傳時以雍州司士參尉韋

絢為殿中侍御史或疑非遽儀曰此野人語耳御史尚供奉赤墀下接武夔龍遙羽鵷鷺豈雍州判佐比乎

念某不遠萬里來奉六條

見前

安於小官而不辭亦惟君

子之易事昔在嚴公幕聞俱為蜀使之知

杜詩昔在嚴公幕俱為蜀

使臣艱危參大府前後間清塵

難甘原憲貧或竊效貢公之喜

杜詩竊效貢公

喜難甘原憲貧

通潼川丁提刑

必稱

登蜀猶天撫塵蹤而自歎仰韓如斗瞻榮次以非遥

竝見

前敢裁小子之斐然敬告大夫之賢者伏念某才疎而

力腐少賤而長窮託疲繭於山林未能辟穀

莊子繭然疲役而不

知其所歸可不哀耶繭音捻忘貌疲病困之狀杜詩疲繭苟懷策史記留侯世家乃學辟穀道引輕身漢書郊

祀志李少君以穀道邵老方見上李奇曰穀道辟穀不食之道也魏文帝典畧潁川邵儉能辟穀餌茯苓梁書

陶弘景傳善辟穀導引之緊饑愚於簪笏却愧伐檀况我

餓愚人焉能尚安宅詩序伐檀刺貪也在居然四十之位貪鄙無功而受祿君子不得仕進爾

頭顱孰是寸尺之竹帛前並見頃自湘濱之憔悴屈原漁父屈原

既放遊於江潭行吟澤畔顏色憔悴誤為錦里之逢迎杜詩雪山片候無兵馬錦里逢迎有

主半路述邇先勒回於俗駕孔稚圭北山移文請迴俗士駕為君謝逋客三

年飄忽難重入於禮羅陸機歎逝賦時飄忽其不再劉總文心雕龍歲月飄忽性靈不

居東坡詩此生不謂再剖符之文翁杜詩真為文翁再剖符未廢

三折肱之韓子

左傳三折肱知為良醫惟伐君為不撰

書詞而具幣又委重焉

韓文謨書詞具焉幣卜日以授使者又以義請而彊委重焉

局岫幌而掩關既無及矣

北山移文宜局岫幌掩雲闕歛輕霧藏鳴湍截來轅於谷

口杜妄轡於郊端

惟是居攸之禕允之任

孔明出漢中疏斟酌損益進盡忠言則攸

之禕允之任也

却愧之儀之羣博之材

昌黎送楊支使序愈在京師時嘗聞當今藩翰

之賓客惟宣州為多賢與之游者二人隴西李博清河崔羣云云及儀之來也聞其言而見其行則向之所

謂羣與博者吾何先後焉儀之智足以造謀材足以立

事忠足以勤上惠足以存下而又侈之以詩書六藝之學先聖賢之德音以成其文以附其質宜乎從事於是府而流聲實於天朝也

治法征謀逼人

已甚

韓文治法征謀宜有所出謝安傳安弱冠詣王濛清言良久既去濛子修曰向客何如大人濛曰此

客疊疊為來逼人法帖衛夫人書衛有弟子王逸臺評少甚能學衛真書咄咄逼人山谷詩逼人太駁駁臺評

幕辯忤物亦多

韓文幕中之辯人反以汝為傾

未論鷄犬

之求僂

見前

誰許龜魚之託蔭

韓詩水紋浮枕單瓦影蔭龜魚

恭惟某官

器資凝遠材具寬宏畫棟朱簾屈平蠻之籌策

王忠嗣傳上平

戎十

清江碧嶂蔚治郡之功名

黃霸傳功名損於治郡時

謂宜進之

清朝

楊震傳損辱清

庶可行其素學居然龍節戾止蠶

叢

戾至也詩魯戾戾止亦是戾矣傳至也變止也

禮樂言遠而有光斯言信矣

刑罰不中則無措自古謹之有如使者之賢足寄欽哉

之恤繡衣持斧寧久滯銅官之山

銅官山在今潼川府中江縣九十八里產

銅即卓王孫鄧通冶錢之所

簪筆荷囊行入侍玉皇之案

元稹詩我是玉皇香

案吏謫居猶得近蓬萊

尚念某貌無所挾誰適與容燕谷自寒敢

望春風之披拂

劉向別錄方士傳言鄒衍在燕燕有谷地美而寒不生五穀鄒子居之吹律而

溫氣至而穀生今名黍谷

吳船未辦尚依夏屋之幃幪

范石湖吳船錄云蜀人入

吳者皆自合江亭登舟其西則萬里橋諸葛孔明送費

律使吳曰萬里之行始於此因以名橋杜詩門泊東吳

萬里船此橋正為吳人設

通湖南楊提刑

輯

晨入太學之下曾識明師

淮南子君子積志委政以趣明師

曉行湘水

之春今依膚使

杜詩夜醉長沙酒曉行湘水春潭州宋隸湖南路即今長沙也互見前

禮

有嚴於事大書敢廢於恭先

尚書作周恭先

恭惟某官守道真

儒庇民正學

禮記下之事上也雖有庇民之大德不敢有君民之心

自其馳驅於

外不辭小官固知磅礪於中而可大受

磅礪亢塞也太玄經昆侖磅礪

幽注昆侖天之氣磅礪地之形幽人之心也通作薄揚雄傳旁薄羣生亦作魄司馬相如傳旁魄四塞韓文磅

鬱積而

由子男之百里游賓客於諸侯廩給百司簿正九

危俱見前

人皆疑其晚晚

晚晚日落貌陸機歎逝賦老晚晚其將及潘岳懷舊賦日晚晚

而將暮柳詩晚晚驚移律山谷詩歲月坐晚晚又先陰坐晚晚

公何有於鄙夷

韓文柳侯為州

不鄙夷其民

園橋億萬人甫知矜式起家二千石忽有薦揚

竝見前

上憐皖伯之邦

方輿勝覽安慶府春秋時皖國周大夫皖伯始封之地區姓咎繇之

後亦為舒桐二國之地皖山在懷寧西十里有皖伯祠

久缺桐君之政

桐春秋楚附庸國即

今桐城縣地

徒得君重無俾民憂一札細書朝聞命而夕引

道

新唐書郭子儀傳贊朝聞命夕引道無纖介自嫌

三年成聚今有袴而昔無

襦

史記一年所居成聚二年成邑三年成都正義曰聚謂村落也

孰期清絕之鄉

杜詩湖南

清絕

又簡皇華之使爰將隆指出總祥刑德星臨翼軫

之間楚氛已靖

長沙當鶉尾之次翼軫之度左傳伯風謂趙孟曰楚氛甚惡懼難餘見前

槎來雲漢之表衡嶽頓開遙知登車之慨然必有解印

而去者周爰咨度

竝見前

胡不均弘

韓文海嶺之脈既足既濡何不均弘俾執

事某副墨謏聞

莊子聞諸副墨之子李云可以副貳玄墨也呂吉甫云道以體之為正則文墨

所論者乃其副也禮記發慮憲求善良足以謏聞不足以動衆註謏之言小也聞聲聞也言不學之人能有片

職謀慮法式求善以自輔此是人身上小善故小有聲聞也

勾朱末屬

羅隱寄判縣主簿詩金庭

養真地朱篆勾稽官劉向傳同姓末屬此借用

譬諸川澤之下獨何蕃歟

韓文何蕃

傳譬之水其為澤不為川乎川者高澤者卑高者流卑者止云云故凡貧賤之士必有待然後能有所立獨何

蕃不知鄴醪之前有賈生否

說文鄴長沙縣也从邑需聲今衡州按字書鄴淶湘

東地名有鄴淶酒又醪醪酒名郭仲堅湘中記衡陽縣東二十里有鄴湖周二十里深八尺湛然綠色土人取以釀酒其味醇美晉武帝平吳始薦鄴酒於太廟吳錄湘東有鄴水酒有名左思吳都賦飛輕軒而酌淶鄴盛弘之荊州記淶水出豫章康樂縣其間烏程鄉有酒官取水為酒極甘美與湘中醪湖酒年嘗獻之世稱鄴淶酒陸機七羨云湘陰有酎其色澄清秋醪春醞酒惟九成張載鄴酒賦珍酒出於湘東丕顯於皇都乃潛淪於吳邦其為酒也造釀以秋告成以春備味滋和體淳色清宣御神志導氣養形異聞錄魏左相能治酒其名有醪醪翠濤常以大甕納酒貯十年不敗太宗嘗賜詩云醪醪稱蘭生翠濤過玉薤千日醉不醒十年味不敗王

荆公送吳仲庶守潭州詩自古楚有材
鄴祿多美酒不知樽前客更得賈生否
適是褰帷之始

欣然祭竈之榮

見前

簿領中有是人耶非敢望也

宋四朝國史吳

擇仁字智夫為開封雍丘主簿元祐中金水河堤壞十
六縣皆選屬他役獨擇仁詣朝堂白事宰相范純仁獨
異之曰簿領中
乃有是人耶
夫子嘗為委吏矣能勿誨乎

代回夔路李憲

奎

奏最涪江

涪音浮說文水出廣漢巴徼外南至墊江入漢涪州本漢涪陵縣西魏置合州以涪江與

嘉陵江合隋改涪州方輿勝覽費溪發源經五十八節名灘方至黔州既自黔州既與施州江會流九十里經彭水武德二縣凡五百餘里與蜀江會於州之東水常湛然徹底以其出於黔州又呼黔江東坡詩合水來如

電黔江綠似藍昔司馬錯沂此水南上擊奪楚黔中地

按行巫峽于蕃而歷四國

所去見思

見前

察州而奉六條其有所試

漢百官表刺史以六條問事非

條所問即不省唐貞觀中以六條察十道武后永昌中分命使者以六條察州縣

恭惟某官分

輝井絡擅秀岷峨

竝見前

名父子之天資璠璣之器

蕭育以

育名父子著材能王述傳名父之子不患無祿山谷詩慶州名父子杜詩李舟名父子璠璣魯之寶王宋史李燾字仁甫眉州丹棱人唐曹王後紹興八年進士博極載籍搜羅百氏倣司馬光資治通鑑例斷自隆興迄于建康為編年一書名曰長編累官禮部侍郎進敷文閣學士兼侍講同修國史卒謚文簡累贈太師溫國公至其仲難兄弟之家學金玉其相至兄屋試賢良方正直言極諫科為秘書省正

字尋遷著作郎兼國史實錄院編修檢討官弟壁寧宗朝累官參知政事同知樞密院以資政殿學士致仕卒謚文懿臺舉進士累官禮部尚書資政殿學士卒謚文肅詩追琢其章金玉其相注相質也言治寶物以為器所以可彫琢其體以為文章環轍久之韓文轍環天者以金玉本有其質性故也

帷晚矣惟良折獄何擇非人送以禮樂而有光既深簡

在編之詩書而無愧願益周爰

竝見前

某跂遠莫前賀成

已後三巴疏鑿雖莫瞻繡斧之持

杜詩疏鑿控三巴

六轡馳驅

猶願謹衣篝之護

見前

代回浙東譙提刑

令憲

畫戟奏功

韋蘓州詩兵衛森畫戟

繡衣疏寵專城作牧既優撫字

之材

古辭陌上桑四十專城居陳張正見採桑詩恐疑夫壻遠聊復答專城周禮八命作牧九命作伯

一道觀風更展澄清之志有嚴星駕增重日畿恭惟某

官蓄德淵深裊身肅括

竝見前

郎潛甚久不矯世以為中

楊王孫傳吾是以羸莫將以矯世也

卿列彌高忽抗章而請外寄隆名于

璧府

見前

歛大惠於金華

韓文歛此大惠今施於一州玉臺新詠序云金星與婺女爭華

故婺州曰金華有金華山即黃初平牧羊處李詩落帆金華岸赤松若可招

民欲借君於一

年

寇恂傳願從陛下復借寇君一年詳見前

公已報政於五月

史記周公世家太公封於

齊五月而進之旬服尚書五百里旬服寄以獄平曹參傳以獄市為寄慎勿

擾也遠有光華况近長安之日見前周爰咨度已接蓬萊之

雲杜詩雲近蓬萊常五色蓬萊宮名即大明宮其甚慶得輿未遑削牘儻無

雀角可使圜扉之空竝見前似是馬曹亦竊廣廈之庇晉書

王徽之字子猷性卓犖不羈為車騎桓冲騎兵參軍冲問鄉署何曹對曰似是馬曹又問管幾馬曰不知馬何由知數又問馬比死多少曰未知生焉知死

代回陳提刑

守藩弗績扁舟欲問於吳江杜詩輕舟下吳會主簿意如何改組有嚴

輿轎復踰于關嶺

嚴助傳輿轎而踰嶺拖舟而入水服虔曰轎音橋梁謂隘道輿車也瓚曰今竹

輿車也江表作竹輿以行是也

方露章而請免修雲翰之寵貽愧非所

蒙

羊祜表臣雖小人敢緣所蒙念存斯義陳後山詩呼我過其廬所得非所蒙

竊願有復禮記

若有告者少間曰願有復也

恭惟某官抱才膚碩蓄學崇鉉左城右

平獻納盍司於清切

班固西都賦左城右平重軒三階注城者為階級平者以文塲相亞

也次上原下隰咨諏久屈於皇華

詩皇皇者華于彼原隰注皇皇猶煌煌也高平

曰原下濕曰隰忠臣奉使能先君命如草木之華無遠無近不以高下易其色

既潛消佩劍之

風龔遂傳民有帶持刀劍者使賣劍買牛賣刀買犢曰何為帶牛佩犢

又密移珥筆之俗

山谷江西道院賦江西之俗士大夫多秀而文其細民
險而健以終訟為能命曰珥筆之民雖有辯者不能自
解免也古諺云筠袁日月之貴名方起荀子貴名白而
贛吉腦後挿筆故云天下治又君子
務積於身則貴名起之如乾坤之新渥必蕃杜詩高名
日月而天下應之如雷霆入竹帛新
渥照乾坤啓劄淵海熊克啟云貴名起乎日
月新渥照乎乾坤則二語當時已相襲矣
諒凡吾味

之同皆借君波之及

見前

某采入其阻

采音民卑切說文周也本作采從网

朱聲詩采入其阻徐曰网即周布之意今文作采毛傳
深也箋云胃也毛氏曰與采不同采音森从穴从木采

从口从米
俗从木誤

兆足以行共飲玻璃之江已有倚簾之幸

東坡

詩相望六十里共飲玻璃江世說魏文帝使后
弟毛曾與夏侯玄共坐時人謂蒹葭倚玉樹

或入鳴

珂之里或希拔薤之規

新唐書張嘉祐嘉貞弟有幹畧方嘉貞為相時任右金吾衛將

軍昆弟每上朝軒蓋駟道盈閭巷時號所居坊曰鳴珂里餘見前

代回提刑樂郎中

繡衣平糴久勤周道之馳驅

糴亭歷切說文市穀也魏文侯相李悝曰糴甚貴傷

人甚賤傷農人傷則離散農傷則國貧故甚貴與甚賤其傷一也是故善平糴者必謹觀歲有上中下熟故大熟則糴三而舍一中熟則糴二下熟則糴一使人適足價平則止行之魏國以富強漢食貨志善平糴者必謹觀歲有上中下熟上熟其收自四餘四百石中熟自三餘三百石下熟自倍餘百石

丹筆詳刑

更奉漢條之寬大

後漢書劉愷傳以輕從重懼及善人非先王詳刑之意也注書曰有邦有

上告爾詳刑鄭玄注云詳審察之也唐龍朔中改廷尉
正為詳刑大夫晉元帝紀布帳練帷詳刑簡化侯霸傳
每春下寬民非改聚官不易方方道也周詔官不易方

大之詔民非改聚官不易方任昉表齊楚陵遲官方
淆雖四海之望未饜饜么鹽切足也左傳屬饜而已然

重湖之幸何厚

重湖謂洞庭湖青草湖詳別見

恭惟某官器資凝遠德

履直方摩蜀道之青天豺虎莫投其距

詩取彼讒人投畀豺虎

歌

郢中之白雪鷗鷺亦好其音

見前

名大震於京師

法言谷口鄭子

真耕於巖石之下名震於京師

材合居於給諫

韓詩才名三十

惟是山

海之征摧難損一鷄

食貨志浮食奇民欲擅幹山海之貨以致富羨

欲其財貨

之貿遷是資四牡遂煩英節

見前

來按熊湘

史記黃帝紀南至於江登

熊湘注封禪書南伐至於名陵登熊耳山地理志曰湘山在長沙益陽縣正義曰括地志云熊耳山在商州洛

縣西十里齊桓公登之以望江漢也湘山一名鰲山在岳州巴陵縣南十八里

皇皇原隰之華

民無遺便

韓文韋丹墓誌凡為民去害興利於江西八州無遺便

暴暴丘山之積

居有積倉

荀子財貨渾渾如泉源沔沔如河海暴暴如丘山注暴暴卒起之貌言物多委積如丘山

也互見前公若違之他邦民必爭於境上

宋杜衍知乾州未滿令權知鳳翔府

二邦之民爭於境上一曰我公也汝奪之一曰我公也汝何有焉

惟良折獄何擇非人

既無得而易堯信莫如於借寇衡雲改觀頓令山嶽之

自搖湘水澄波便覺河江之易避第虞詔紫不俟突黔

竝見前

某辱託比肩

鬻子千里而得一士猶比肩也路溫舒傳比肩而立杜詩孤陋忝未親等

級敢比肩

每蒙合志

禮記合志同方

勞來還定安集欲慰疲毗同寅

協恭和衷正資益友

竝見前

所慙尺牘有舛朋箋

舛羊列切怨望

也舛者缺也舛望不滿所望而怨耳陰興傳令天下舛望獸二為友貝二為朋朋箋二箋也

魚相忘

於江湖諒不責腹中之素

莊子魚相忘于江湖人相忘於道術陳勝傳丹書帛置人

所罾魚腹中古詩呼童烹鯉魚中有尺素書

鳳又繼之日夜尚同歌肘後之

騷

離騷經鸞皇為余先戒兮雷師告余以

具吾令鳳皇飛騰兮又繼之以日夜

欽定四庫全書

四六標準
卷二十五

子

代回江東提刑譙寶文

令憲。宋會要寶文閣在天章閣之東西序羣玉藥

珠殿之北即舊日壽昌閣改曰寶文嘉祐八年英宗即位詔以仁宗御書御集藏于寶文閣命王珪撰記立石治平四年神宗即位始置學士直學士待制恩賜依龍圖哲宗御書附於閣

寶廬寓直

宋有寶文寶謨寶章閣直宿所止曰廬嚴助傳厭承明之廬

玉節按刑禮

守邦國者用玉節守都鄙者用節梁元帝詩玉節居分陝

江淮草木之威名賈孚

有衆

張萬福傳德宗以萬福為濠州刺史名謂曰先帝改爾名正者所以褒也朕謂江淮草木亦知爾威

名若所從改恐賊不曉是卿也

河洛圖書之經緯爰寵此行

宋龍圖閣在會慶殿

西偏以奉太宗御書御製文集楊億詩群玉天中開策府神龜溫洛薦圖書

恭惟某官興闕

刺天

杜詩門閭冠雲霄
韓文羣飛刺天

修名拔地

離騷恐修名之不立
孫樵書玉川子月蝕

詩韓吏部進學解莫不
拔地倚天句句欲活

胸吞雲夢何小者之足言舟近

蓬萊又悠然而引去

竝見前

萬牛莫挽

杜詩萬牛回
首丘山重

四牡

載馳禮樂有光公不負澄清之志哀矜勿喜吏何敢輕

重其心有功見知

竝見前

不遠伊邇

詩中心有違
不遠伊邇

某民庸

索莫

索莫猶言落莫索盡也散也尚書惟
家之索禮記離羣索居物散則盡

歸夢飛騰望

南浦之朝雲未能捲雨懷江東之暮日正阻論文

竝見前

弋曰福建管是刊

微之

欽定四庫全書

四六標準
卷二十五

三

疏恩中禁持憲外臺

見前

褰帷風動於列城

後漢賈琮傳琮為冀州刺史

史之部升車言曰刺史當遠視廣聽糾察美惡何有反垂帷裳以自掩塞乎乃命御者褰之百城聞風自然竦

震互見前

洗印日新於衆聽

唐百官志三日洗印視其刑缺

湖山自得原隰

有光

見前

恭惟某官早抱通材徧儀華貫游刃有餘矣經

肯綮之未嘗

莊子恢恢乎其於游刃必有餘地矣又技經肯綮之未嘗注肯著骨肉也綮結處也

善刀而藏之得躊躇之滿志

莊子為之四顧為之躊躇滿志善刀而藏之注躊躇

滿志逸足容豫自得之謂善刀藏之謂拭而弢之也

屬時更化加意審刑徑疇淑

問之賢往任皇華之寄

俱見前

維閩七聚不勝鱗介之勞

山谷詩維閩七聚落嫖獨困吏
饗土弊永泰惡水煩鱗介勞

奉漢六條寧止狐狸之

問必有澄清之志乃無愁歎之民

俱見前

其審克之

尚書其罪

惟均其

行且召矣某未遑燕賀先辱魚書

竝見前

君乘使

者車固可想雲煙之風采

郭丹傳從師長安買符入函谷關乃慨然歎曰丹不乘使

者車終不出關丹自去家十有二年果乘高車出關如其志焉
注諸侯使車皆朱班輪四輻亦衡輶岑參詩故人方乘使者車吾知郭丹却不如
詔詣行在所或少慰塵土之心期史

滑稽傳武帝時徵北海太守詣行在所漢制車駕所在曰行在所蔡邕獨斷曰天子以四海為家故謂所在曰行在所漢書武帝紀徵詣行在所師古曰天子或在京師或出巡守不可豫言故言行在所耳梅福傳求假軺

傳詣行在所東平王蒼傳乞詣行在所極陳至誠任彥昇詩中道遇心期王荆公詩心期自與衆人殊山谷詩少日心期轉謬悠又心期曉月秋霜又心期誠不淺

代回湖南胡提刑

游

還節荆襄

荆山名括地志云荆山在襄州又州名夏周為荆州秦為南郡即郢都之渚宮襄亦州名

本楚之西津魏武置襄陽郡西魏改襄州因水立名宋升襄陽府

按行湘楚

說文湘水出零陵陽

海山北入江從水相聲韻會至巴丘入於江又山名史

記黃帝登熊湘楚國名周封熊繹於丹陽至熊達僭稱

王遷郢郢本名荆父老迎歎見百年之故家叔姪交承至成願始改號楚

侈一門之盛事

按字書無侄字今人嫌姪字從女遂改從人不知姪字原為女設非男稱也賴

川語小曰禮大夫不名世臣姪娣姪是妻之兄女娣是妻之妹左傳姪其從姑謂我姪者我謂之姑是也今謂兄弟之子為姪蓋取字林音義作丈乙切呼之古史傳所未詳自唐至本朝諸書稍見之如狄仁傑諫武后曰姑姪與子母孰親猶指武姓人為姪也此字唯可施之書問以便俗呼或有著作不若稱兄子弟子從子族子之為雅也據此則姪止可施內兄弟之女不當施之男子改稱則可改字可乎又按顏延之曰伯叔有父名則兄弟之子不得稱姪從母有母名則娣妹之子不可言甥蓋甥姪唯可施于姑舅耳雷次宗曰姪字有女明不及伯叔甥字有男見不及從母劉共父刊二程先生集改姪為猶子朱子謂古人固不稱兄弟之子為姪亦無言猶子者但云兄弟之子然從俗稱姪亦無害也但改從人為杜園蒼頡耳

賢勞何憚聖眷

方深恭惟某官擇乎中庸好是正直一經教子誦機寧

觸於屏風

韋賢傳遺子黃金滿籬不如一經陳萬年傳子咸以萬年任為郎抗直數言事刺譏近臣

萬年嘗病召咸教戒于牀下語至夜半咸睡頭觸屏風萬年大怒欲杖之咸叩頭謝曰具曉所言大要教咸譏

也按史言咸廉不如父而數賂陳萬里隨翁直氣早鏘

於門限

東坡次韻子由使契丹見寄詩始憶庚寅降屈原旋看蠟鳳戲僧虔隨翁萬里心如鐵此子何

勞為買田公自注時猶子遲待行限下簡切增韻闕也鏘當作鏘昌黎贈張籍詩云吾老懶讀書餘事不掛眼

有兒雖甚憐教示不免簡君來好呼出跟蹤越門限言其少有直氣自跟蹤戶限時已然如此類非意會難解

忠無不報

鄒陽傳忠無不報信不見疑

孝可以移

孝經君子之事親孝故忠可移于君

何周道之馳驅忘漢闥之補拾

汲黯傳出入禁闥拾遺補過

天高蜀

道甫休捫歷之嗟地徧長沙又作回旋之舞蓋今褰帷

之所

竝見前

自昔稅駕其間

李斯傳物極則衰吾未知所稅駕也注稅駕猶解駕言休

息也張協賦停輿蕙渚稅駕蘭田

嶺北長蛇無復元城之迎侍

山海經大同之

山有蛇名曰長蛇其毛如虺豪其音如鼓柝左傳吳為封豕長蛇以薦食上國宋劉安世字器之學者稱為元城先生宋史安世初除諫官未拜命入白母曰脫有觸忤禍譴立至若以母老辭當可免母曰得罪流放無問遠近吾當從汝所之遼東孤鶴足榮華表之歸來

續搜神記遼東城門有華表柱

忽有一鶴集徘徊空中言曰有鳥有鳥丁令威去家千歲今來歸城郭如故人民非何不學仙去空伴冢累累

遂上冲天

某視螺川為近隣

螺山在吉安府城北十里南臨贛江宛委如螺或云肯有漁人

遊此忽遇風雨見神螺光彩五色取而懷之至山下涉
水螺失所在俗呼為螺子山螺湖繞府城西北而東流
入贛江郡名恍夢門之遠別殘燈翳復吐寧有可借之
螺川以此

光東坡詩念此坐達晨殘燈翳復吐又清風來無邊明
月翳復吐按翳復止字本杜詩初日翳復吐坡詩兩

用可人期不來徒抱相違之恨陳後山詩書當快意讀
易盡客有可人期不來

又俗子推不去滿期名壘猶可盍簪易豫九四由豫大
可人費招呼

代回江西李提刑

珏

予環將漕持斧按刑前見一道三司公殆踐敷之徧宋江
西路

轉運司治隆興即今南昌提刑司治贛州提舉司治撫州兼旬竝命上應簡注之深

前賀方馳後緘押至

息夫躬傳羽檄重跡而押至文頰曰押音狎習之狎師古曰押至言

相因而至也

恭惟某官鎮浮雅量撥劇長材

南史臧盾傳盾為人敏瞻有風

力長于撥劇職事甚理

左馮翊右扶風居多善政

漢書地理志注左馮翊故秦內

史高帝元年屬塞國更名河上郡九年罷復為內史武帝建元六年分為左內史太初元年更為左馮翊右扶

風故秦內史高帝元年屬雍國二年更為中地郡九年罷復為內史太初元年更為右扶風

天津夕西極未究遠猷

離騷經朝發軔於天津兮余至乎西極天津即析水之津在

箕斗之間日月五星於此往來故謂之津西極日所入也

當邊隅講解之餘

解舉蟹切說文

判也從刀判牛角廣韻講也說也項籍傳業已講解

有溪洞猖披之醜

猖蚩良切狂也通作

昌揚雄傳先零昌狂韻會披猖縱裂貌離見大夫無可

驗經何桀紂之昌披今夫唯捷徑以窘步

使者問狀時見大夫無可使者名盤屋令尹達拜為諫

議大夫遣之師古曰謂見在大夫皆不堪為使也申屠

嘉傳以高帝時大臣餘見無可者乃以御史大夫嘉為

丞相師古曰見明天子選而用之

韓文送陸欽州詩序宰臣之所薦聞天子

謂見在之人

之所知效一官笑他人之劫劫莊子知效一官行比一

劫訖業切說文人欲去以力脅止曰劫

從力去會意韓文人皆劫劫我獨有餘身兼數器覺餘

刃之恢恢

見民為上所不為本原何在

左傳上之所為

不為而民或為之是以加刑罰焉而莫敢我往寇亦能不懲若上之所為而民亦為之乃其所也

往保障奚先

左傳我能往寇亦能往不如伐庸詳見前

願繼周使臣之光華

豈徒漢刺史之風采

黃霸傳風采不及丙魏于定國

某見賢思渴得報

忘饑不解世俗書謾瓊瑤之效報

韓文石鼎聯句詩序吾不解世俗書子為

我書

實為天下賀願金玉之盡珍

韓文其以吾所稱為天下賀

代回湖南胡憲

澣

老形已具久自分於投簪

陳後山詩老形已具臂膝痛春事無多櫻笋來左思詩踏

躡足力煩聊與投吾簪

成命莫回猶固功而曳履瞻然下問厚甚

高情恭惟某官政為吏師

薛宣傳贊所在而治為世吏師

行有家法

後漢

徐防傳不修家法左雄傳諸生試家法注儒有一家之
學故稱家儒林傳各以家法教授山谷詩小謝有家法
皇華原隰之上久職咨諏清切雨露之邊合班獻納顧
令衰白亦復佩蒼得非隣壁之光密借滎河之潤某負
二宜去已三上章行或使之即返屠羊之肆竝見前願有
復也遙瞻回鴈之峰回鴈峯在衡陽之南鴈至衡陽不
過遇春而回或曰峰勢如鴈之回
故名徐靈期云南嶽周迴八百里回鴈為首嶽麓為足
唐杜荀鶴詩猿到夜深啼嶽麓鴈知春信別衡陽元微
之詩迴鴈峯前
鴈春迴却盡迴

代回成都林憲

潔已

畫戟疇庸繡衣疏寵田里之無愁歎歷試懋哉原隰之

有光華載驅榮甚

並見前

恭惟某官人門具美

撫言崔仁師之孫湜

滌等昆仲數人文翰列官清要每私宴之際自比王謝之家謂人曰吾之門人及出身官之未嘗不為第一丈夫當先擬要路以制人

天分仍高

分去聲分劑限量也晉書謝道韞傳嘗譏

謝玄學植不進曰為塵務經心為天分有限耶

我奉時流窘邊幅者多矣

馬援傳修

飾邊幅注若布帛修飾其邊幅也唐書駱賓王傳張九齡文如輕縑素練實濟時用而窘邊幅

公抱國

器願縑藉以須之

縑子皎切亦作縑藉慈夜切周禮典瑞縑藉五采五就以朝日注縑五采

文所以薦玉木為中幹用韋衣而畫之就成也五就五匝也又大行人上公之禮執桓圭九寸縑藉九寸注縑

藉以五采韋衣板若奠玉

久於典州

新唐書韋嗣立傳唐休璟請選臺閣

賢者分典大州

方此將指川合東西而瞻使豈不足歟

並見前王

置左右而輔台恐不免耳

謝安傳安妻劉倓妹也既見家門富貴而安獨靜退乃謂

曰丈夫不如此也安掩鼻曰恐不免耳

既均牡轡

詩六轡既均注均調也

益煥龍光

詩既見君子為龍為光注龍寵也為寵為光言天子恩澤光耀被及已也

某年以衰侵心為

形役

歸去來辭既自以心為形役奚惆悵而獨悲

已屢章而告老兆足以行

望三節之鼎來每懷靡及

禮記凡君召以三節二節以走一節以趨注使使召臣急

則持二緩則持一詩駢駢征夫每懷靡及注駢駢衆多之貌征夫行人也使臣之行必有上介衆介衆行夫既

受君命當速行每人懷其私
相稽留則於事將無所及

代回江東葉憲簣

骭麟雲司將謀退而飲山綠

麟子朗切趙壹傳伊優比
堂上抗麟倚門還注伊優

屈曲佞媚之貌抗麟高亢倖直之貌佞媚者見親故升
堂倖直者見棄故倚門裴復除制俾踐白雲司以黃帝
時秋官為白雲也東坡詩吳儂
生長湖山曲呼吸湖光飲山綠便蕃天寵使無功而佩

水蒼

左傳便蕃左右亦是率從詩何天之龍注龍當作
寵榮名之謂負荷天之榮寵禮記天子佩白玉公

侯佩山玄玉大夫佩水蒼玉晉公卿禮秩曰許進
佩水蒼玉尚書令僕射中書監令皆佩水蒼玉

徒嘖

人言

嘖音簣爭言貌
左傳嘖有煩言

誰侑子美

侑音周說文有靡蔽也
詩誰侑子美心焉忉忉

注冊張誑也誰誰讒人也汝衆讒人誰冊張欺誑我所美之人乎

恭惟某官好是正直

見多所平反

反音幡雋不疑傳多所平反詳見前

江以東之瘡痍各安饋

粥

饋音旃說文糜也檀弓注疏厚曰饋希曰粥

斗維北之喉舌難挹酒漿

詩維

北有斗不可以挹酒漿李固傳斗為天喉舌尚書亦陛下之喉舌

猶贈以言

見

欲華其

老

東坡答丁連州啓過情之譽知無其實而愧于中起廢之文猶借此言以華其老

然總持衆

職而相望恐難備百工之所為某鳩僦非長

竝見

狐疑

已決

文帝紀朕狐疑皆止朕師古曰狐之為獸其性多疑每渡冰河且聽且渡故言疑者而稱狐疑鄙善

長水經注狐性多疑故俗有狐疑之說

薦尚書不煩以政終非孔戣之宜

昌黎論孔幾致仕狀左丞政事亦極清簡若幾尚以繁
要為辭自可別授秩崇而務少者又孔幾墓誌吾負二
宜去尚美
顧子言
白丞相去歸其鄉當希疎廣之老
子相隨出

闕歸老故鄉以壽
命終不亦善乎

代回江西李憲

珏。按宋史何異傳異嘉定元年
召為刑部侍郎明年權工部尚書

告老與此啓合前後諸啓
皆代異所作異別號月湖

制五刑以即天已慙占筆

禮記凡制五刑必即天論注
制立也即就也必即天論言

與天意合閔子曰古之道不即
人心韓文丞涉筆占位署惟謹
居四民而時地猥使代

庖
尚書司空掌邦土
居四民時地利

諒皆皇華之光密有蔽芾之蔭

見前

恭惟某官徧持三節游歷諸司方赤子之弄兵金堅蔓

織

龔遂傳陛下赤子盜弄陛下之兵于潢池中耳杜牧之字論天下幾里列郡幾所而自河以北城數百

金堅蔓織角奔為寇何吾人之顯賴天時之不利則賴將與其朋伍羅絡郡國將駭亂吾民于掌肱之上耳賴

繡衣之持斧風動草披

司馬相如傳風之所被罔不披靡

仁遠及於一

屢官躡升于八座某水馬得北

杜詩愁邊有江水馬得北之朝

日已薄

西

揚雄傳臨汨羅而自殞兮恐日薄於西山

總余轡于扶桑安知飭化

離騷經飲

余馬於咸池兮總余轡于扶桑周禮以九職任萬民五曰百工飭化八材興事造業謂之工致力攻治謂之飭因形移易謂之化八材則珠象玉石木金革羽也珠曰切象曰磋玉曰琢石曰磨木曰刻金曰鑠革曰剝羽曰

折
集王事于苞栩願見勞還

見前

代回廣西郭提刑

斌

隨輶而薦栢酒遠莫致之

崔寔四民月令元日進椒栢酒椒是玉衡星精服之令人

身輕能走

栢是仙藥

得書而已麥秋報之何以

禮記孟夏之月靡草死麥秋至蔡邕

月令章句曰百穀各以其初生為春熟為秋故麥以孟夏為秋梁書昭明太子傳首夏司開麥秋紀節杜詩麥秋晨氣潤槐夏午風涼山谷詩黃雲見麥秋又汾

上午雲初麥秋張衡四愁詩何以報之英瓊瑤

恭惟

某官馳心拱北將指宅南

見前

漢節梅花已弄青黃之實

杜詩漢節梅花外春城海水邊山谷詩歲月生成晚煙雨青已黃魏鶴山梅詩絕憐玉雪倚橫參又愛青黃弄

煙日周原苞栩既成蒼翠之陰王昌齡詩槁葉零落盡空柯蒼翠殘杜詩郊扉及我

私我國諒惟平秩之功尚書寅賓出日平秩東作如在始和之吉周禮

正月之吉始和布治於邦某雲司玩歲左傳主民翫歲而惕日其與幾

何水部愉閑杜氏通典水部郎中周禮夏官司險蓋其職也魏尚書有水部郎歷代或置或否後

魏北齊有水部屬都官尚書後周有司水大夫隋初為水部侍郎屬工部唐改司川大夫天寶中改水部為司

水閑當作閒曲禮少閒願有復也注疏謂清閒也居閑切俗作閑非山谷詩九衢塵裏偷閒三月不

違仁勞飛鴻之遠到五嶺皆炎熱願秣馬以遄歸竝見前

代回利路鮮于提刑申之

虎符遲次龍節載驅禮樂遠而先華遐心何有

並見前

師

旅因之饑饉敏手是資

山谷詩敏手孽泰華

恭惟某官籍甚人門

見前瞻然地望

北史公孫表傳鴈門李氏地望懸隔

吏民相告方懷季子之

章

朱買臣傳懷其印綬步歸郡即守即恠之視其印會稽太守章也史記蘇秦傳佩六國相印譙周曰蘇秦

字季子

郡縣未澄宜攬孟博之轡

見前

劍閣今為平地

陸暢詩蜀

道易易于履平地

鮮于世號福星

四朝國史哲宗念東國困于

後復以鮮于侁為京東轉運

使司馬先曰福星往矣安得如侁百輩布列天下乎東坡詩我懷元祐初珪璋滿清班維時南隆老奉使獨未還迂叟向我言青齊歲方艱斯人乃福星遠出虛危間南隆闔中也侁闔中人迂叟先自號互見前

公有

理輪之心民何懸釜之慮

史記趙世家城中懸釜而炊易于而食

功德如

此祥祉如此其善持之

韓文祿位富貴人之所大欲也得之難未若持之之難也得之

于功或失于德得之于身或失于子孫今夫功德如是祥祉如是其善持之也可知已

刑獄幾何

錢穀幾何行且召矣某老而浪出

杜詩龐公不浪出蕪氏今有之

冗未

汰歸五雉為工徒積汗顏之媿四牡勞使願收直指之

功

竝見前

代回江西陳提刑

天宜。宜抄本作誼詳啓意蓋以南雄太守改廣東提刑轉江

刑西提

自天申命易地詳刑

見前

南海之陬既濡無復跼鶩之困

韓文南海神廟碑海嶺之陬既足既濡跼的協切跼跼

墮落也馬援傳飛鶩跼跼墮水中注鶩鶩也跼跼墮貌

也跼音都跼

西江之水方涸更為活鮒之謀

見前

恭惟某

官與學名家通才資世恢乎餘刃孰嬰紫電之鋒

三國典畧

蕭淵明與王僧辯書霜戈電戟無非武庫之兵龍甲犀

渠皆是雲臺之仗王勃滕王閣序紫電青霜王將軍之

武庫唐中宗授張錫尚書制飛不盡翰斜取青雲之勢

白虹良寶紫電神鋒互見前飛不盡翰斜取青雲之勢

韓文不長具年飛不盡翰劉禹錫詩青雲頃分半竹

直上無多路却作斜飛取勢回互見前頃分半竹

紀初與郡守為竹使符注竹使符皆以竹箭五枚長五

寸鐫刻篆書第一至第五各分具半右留京師左以與

之惠滿三楓

方輿韶州記曰曲江縣修仁水西南注連水北有三楓亭五渡水齊范雲為始興太

守至修仁水酌而飲之賦詩曰三楓何習五渡何悠悠且飲修仁水不挹背邪流尋專刺舉之

六條迄用澄清於五管

廣桂邕容安南為五管皆隸嶺南節度使詳別見惟是

畫冠之化

漢書刑法志蓋聞有虞氏之時畫衣冠異章服以為戮而民弗犯尚書大傳唐虞象刑犯

墨者蒙巾帛犯劓者赭其衣犯贖者蒙其贖犯大辟者衣無領晉書刑法志犯黥者帛其巾犯劓者丹其服犯贖者墨其體犯宮者雜其屨大辟之未孚珥筆之民

江西道院賦江西之俗士大夫多秀而文其細民險而健以終訟為能由是玉石俱焚名曰珥筆之民欲

銷赤子之弄兵必假繡衣之持斧

竝見前

周爰咨度行將

勞星駕之還

詩星言夙駕詩序出車以勞還

遠有光華况接日畿之近

某濫茲聯事幸甚依仁所望使者之車疾驅沃轡

詩六轡沃

若庶假忠焉之誨叶濟疲毗

代回廣東潘提刑

涓

分符奏最持節詳刑

見前

田里之無歎愁選諸所表

歎音

丹切又他干切大息也循吏傳序二千石有理效輒以璽書勉厲增秩賜金或爵至闕內侯公卿缺則選諸所表以次用之師古曰所表謂增秩賜金爵也

原隰之周咨度遠乃有先

見前恭

推某官器宇浚明風猷膚碩頌儀六館實倡諸儒

並見前

玉石一區時方負隴西之媿
淄澠異味何至空冀北之

群水經淄水出泰山萊蕪縣原山澠水出營丘城東淮南子淄澠之水合易牙嘗而知之迄著顯

庸蔚為循吏

敘傳蔚為辭宗師古曰蔚文采盛也音鬱任昉王文憲集序蔚為帝師

一麾

出守方幸同寅六轡載馳復聞後甲片言可折必能體

欽恤之心五嶺皆炎正足展澄清之志星言夙駕天不

違顏某十國為連

竝見前

再鼓愈淡

韓詩有琴具微絃再鼓聽愈淡

落霞

孤鶩不能奪尊榮之思尺素雙魚願無廢梅花之寄

竝見

前

代回江東葉憲簣

斜日投閒冒誤恩而入侍

梁元帝詩東方曉星沒西山晚日斜韓文投閒置散乃分

之宜蔡謨傳昔階繆恩蒙忝非據東坡集蒙先帝之誤恩推真三館又計此誤恩必難安處

朵雲借

潤儷好語以相先

李賀詩沙路歸來聞好語東坡詩山寺歸來聞好語野花啼鳥亦欣然又

輦路歸來聞好語共驚堯顙似萬年

有味其言

鄭當時傳識有味其言也

不知所報

左傳

臣不任受怨君亦不任受德無怨無德不知所報

恭惟某官恢然抱負久矣踐

駁榮分刺史之符勇襟郎官之被

魏舒傳時欲沙汰郎官非其才者罷之舒

曰吾即其人

甫陞華於卿月又趣駕於使星

見前

簸弄明

珠自是驚人之質

韓詩婆娑海水南籟弄明月珠

追隨瑣闥會歸密地

之班

杜詩曉漏追隨青鎖闥晴牕檢點白雲篇

某起家一寒去國十暑

見前頭

顧如此難遮西崦之先陰

崦音淹崦崦山名山海經鳥鼠同穴西南曰崦嵫下有虞

泉日所入離騷經吾令羲和弭節兮望崦嵫而勿迫淮南子日入崦嵫經於細柳入虞淵之地曙于濛谷之浦

日西垂景在樹端謂之桑榆張九齡詩眇眇惜光陰韓詩士女競先陰山谷詩歌舞送先陰餘見前

膂力

既愆又踏東華之塵土

尚書番番良士旅力既愆東坡詩軟紅猶戀屬車塵公自注戲

語有西湖風月不如東華軟紅香土又東華塵土北窓風注東華門百官入朝所從出入之門

會且歸

矣

詩會且歸矣無庶子子憎

馬用文之

左傳介子推曰言身之文也身將隱馬用文之是求顯也

代回曹提刑

叔遠

顯奏郡庸肅將使指凝香畫戟政成數月之間直指繡

衣象應一星之入

竝見前

用賢如此載路驩然

詩殿聲載路沈休文

碑威令首塗仁風載路

恭惟某官天韻崇飭風猷峻潔三年博士

推韓愈之見治

治音持進學解三年博士冗不見治治理也

六館諸生留陽

城而不果

新唐書卓行傳陽城出為道州刺史太學諸生何蕃等三百人頓首闕下請留城為吏遮

抑不得上既行皆涕泣立石紀德

徘徊南浦

楚辭望美人兮南浦王勃詩畫棟朝飛南浦雲

檢

校東屯

東屯杜少陵故宅在夔州少陵有自瀼西移居東屯及檢校收稻等詩詳見前

却念枳

城實產伊川之易

漢書地理志巴郡枳如淳曰音徙或音抵師古曰音之爾反方輿勝覽涪

州春秋為巴國地秦置巴郡在西漢領縣十一東漢領縣十四而涪陵與枳縣居其二蜀先主以其地控巴江之源因於此立涪陵郡領漢平漢葭縣晉以涪郡理枳縣地宋齊並屬涪陵及巴郡後周於故枳城立涪陵一統志枳城在今重慶府北一百一十五里晉桓溫伐蜀移枳縣於隣溪此城遂廢按枳通作軹枳城有數處大書記顯王十一年韓使計息以枳道易鹿於魏水經注年表報王三十六年秦伐魏至軹取城大小六十一皆魏之軹也蘇秦傳秦下軹道則南陽危又云我下軹道南陽封翼亦指此其言秦者在雍州萬年縣東北去瀘水百步軹道亭秦王降處也蘇代所謂楚得枳而國亡則巴郡之枳也伊川先生年譜紹聖四年十一月送涪州編管元符二年正月易傳成而序之三年正月徽宗即位移峽州尹和靖語錄先生自涪陵歸易傳已成是

易傳涪州所著也方輿勝覽鉤深堂在涪州北巖紹聖
丁丑伊川謫居於涪即普淨院闢堂著易閱再歲而成
元符庚辰徙夷陵會太史黃公自涪移戎過其堂因榜曰鉤深
因尋涪水欲昌山谷之
詩宋史黃庭堅傳章惇蔡卞與其黨論實錄多誣摘問
前史官庭堅皆直辭以對貶涪州別駕黔州安置自
號涪翁與秦太虛書曰某屏棄不毛之鄉以禦魑魅耳
目昏塞舊學廢忘是黔中一老農耳韓文貞曜先生墓
誌銘維卒不施以昌其詩注蘓子瞻嘗舉此以問王定
國當昌其身耶昌其詩也來詩下語不契作詩答之有
云昌身如飽腹飽盡還復饑昌詩如膏面為人作容姿
不如昌其氣鬱鬱老不衰雖云老不衰却懷安所之不
如昌其志志一氣自隨養之塞天地孟軻不吾欺韓公
謂東野昌其詩而東坡乃云不如昌其志蓋蘇嘗讀東
野詩有未足當韓豪
之句不為所取也

孔席未溫曹裝又趣刑罰不中則

無措自昔欽哉禮樂言遠而有先是在使者佇從四牡

歸侍六飛

竝見前

某方襃賀絨

襃必益切韻會摺疊衣也故禮注謂裙摺為襃積也

已蒙謝牘我留綿谷正方深通漢之防

綿水在廣漢郡綿州以綿水經

其左故謂之左綿左思蜀都賦于東則有左綿巴中綿者綿歷也

君把繡衣未可動思

吳之興

杜詩天隅把繡衣餘見前

代回新夔路李提刑

凝畫戟之香久分漢竹

杜詩幾分漢庭竹

持繡衣之斧式憩甘

棠燕賀厦之未能

竝見前

鴈寄書而何速

蘇武傳天子射上林中得鴈足

有係帛書杜詩一
聲何處送書鴈

恭惟某官氣鍾井絡秀出岷峨真難

兄之弟難弟之兄

竝見前

信名父之子名子之父

蕭育傳育以名

父子著才能王述傳王導謂述曰名父之
子不患無祿屈臨小縣自不宜耳詳見前

人生五馬貴

四出守而無嫌權門九牛毛屢掉頭而不顧乃今直指

猶是斜飛

竝見前

持衡秉鈞此言何為至我

董仲舒傳此言何為至于

我明刑種德所有更以贈君

尚書皋陶邁種德德乃降山谷詩君家所有更贈君

某日既薄山雲猶出岫

見前

惠文柱後殆非佚老之謀

莊子

大塊載我以形勞我以
生佚我以老息我以死

神武門中行進乞身之請

南史陶弘

景傳永明十年脫朝服挂神武門上表辭祿詔許之

回方提刑

信孺○以下代衛帥○宋史方信孺字

大楊萬里見而異之以父崧卿蔭補番禺尉時韓
侂胄開邊釁諸將潰軍朝廷尋悔金人亦厭兵無
能得其要領近臣薦信孺可使自蕭山丞召赴都
命以使事自春至秋使金三往返以口舌折強敵
金人計屈情見會蜀兵取散關金人益疑信孺還
言敵所欲五事舉其四其一不言侂胄厲聲詰之
信孺徐曰欲得太師頭耳侂胄大怒奪三秩臨江
軍居住已而王倫孫柵出使定和議增幣函首皆
信孺所持不可者柵白廟堂信孺辯折敵酋於彊
愼未易告語之時信孺當其難柵當其易柵每見
金人必問信孺安在公論所推雖敵人不能掩也
乃召信孺自便尋知韶州累遷淮東轉運判官兼

提刑知

真州

觀風嶺外公遠有於先華

見前

易地江湄我但慙於玩愒

湄是悲切說文水草交為湄釋名湄眉也臨水如眉許
渾詩秦樓心斷楚江湄東坡詩弭節江之湄王介甫詩
出戲清

鼎來下問益仞高情

東坡集仰仞至恩益
堅素守鼎益卦名

恭惟

某官學與古稽美全世濟

信孺從祖廷實政和間進士
父崧鄉隆興初進士皆有名

於時江濤如此誰知戮力於神州

謝安傳嘗與孫綽等泛
海風起浪湧諸人竝懼

安吟嘯自若舟人以安為悅猶去不止安徐曰如此人
將安歸王導傳當共戮力王室尅復神州詳見前

物眇然士頗傾心於執事

王逸少帖蔡公遠委篤深可
憂當今人物眇然而艱疾若

此令人短氣山谷詩人物方眇然

久於直指無乃斜飛

誰能委珪幣又人物于今眇然

見然小大之獄既得其情禮記必察小大之比以

則澄

清之志亦足以展風雲之會

後漢書感會風雲奮其智勇

朝夕以須

左傳磨厲以須

某分閫何功授林是幸

袁閎傳散髮絕世投迹深林

叔夜不

便於書疏遂緩報章

稽康與山濤絕交書素不便書不喜作書而人間多事堆案盈几不

相酬答則

犯教傷義莊周無索其形骸尚祈終惠

莊子今子與我遊於形骸之內

而子索我於形骸之外不亦過乎注形骸外矣其德內也今子與我德遊耳非與我形交而索我外好豈不過哉

回方提刑

信孺

報政九疑

說文九疑山虞舜所葬在零陵營道從山疑聲九峰相似可疑也通作疑武帝紀望祀虞

舜于九疑文穎曰山半在蒼梧半在零陵楚詞九疑紛兮為三十三小洞天方輿勝覽九疑山在道州寧遠縣南六十里有九峰峰各有一水四水流灌于南海五水北注合為洞庭其一曰朱明峰其下湘水源二曰石城峰其下沱水源女冠魯妙典所居元結登九疑第二峰詩九疑第二峰其上有仙壇松杉映飛泉蒼蒼在雲端何人居此處云是魯女冠不知幾百年晏坐餌金丹相傳羽化時鸞鶴滿峯巒婦中有高人相望空長歎三曰石樓峯其下巢水源四曰娥皇峰其下池水源五曰舜源峰其下瀑水源亦曰華蓋此峯最高六曰女英峰其下砮水源七曰蕭韶峯其下澹澹水源八曰桂林峯其下澹澹水源九曰梓林峯其下澹澹水源元結詩九疑山深幾

千里峰峇崎嶇人不到韓愈詩吾聞九疑好夙志今
欲伸戴叔倫詩九疑深路遠山回木落天晴猿正哀觀

風五嶺

大庾始安臨賀桂陽揭陽為五嶺詳別見

萬物吐氣正須結輩之賢

少陵詩集覽道州元使君春陵行兼賊退示官吏作二
首志之曰當天子分憂之地效漢官良吏之目今盜賊
未息知民疾苦得結輩十數公參錯天
下為邦伯萬物吐氣天下少安可待矣六轡周咨何慮
越人之瘠

韓文若越人視秦人之肥瘠忽焉不加喜戚於其心

恭惟某官風猷強

濟業履浚明學禮之有異聞蚤駿萬夫之望

駿通作峻高也詩駿

極於天繫辭君子知微知彰知柔知剛萬夫之望

誦詩而能專對卒鳩二國之

民鳩安也左傳君釋三國之圖以鳩其民又勺在九重
此敢使魯無鳩乎晉語庶可以鑑而鳩趙宗乎九重

念功

尚書惟帝念功

再命作牧

周禮八命作伯九命作伯

與夫田里之無數

息賀其見鳳之鳴

韓文吾聞鳥有鳳者恒出於有道之國當漢時黃霸為潁川是鳥實集而

鳴焉若史可信堅歸吾將賀其見鳳而聞其鳴也已

何如原隰之有光華惠爾跼

鵲之外星言雙節山鎮百城刑獄幾何錢穀幾何不嫌

纍印

竝見前

功德如是祥祉如是佇即予環

韓文今夫功德如是祥祉

如是其善持之也可知已餘見前

某方欲修辭遽勤委重雙魚尺素何

敢言衛公綠竹之詩

詩序淇澳美衛公之德也有文章又能聽其規諫以禮自防故能入

相於周美而作是詩也

兩驂四黃請繼方叔葱珩之詠

詩四黃既駕兩驂不

衛不失其馳舍矢如破又方叔率止約軼錯衡八鸞璫
璫服其命服朱芾斯皇有璫葱珩注言王乘四黃之馬
既駕矣兩驂之馬不相相依倚璫珩聲也葱
蒼也三命葱珩言周室之強車服之美也

回鑾路李提刑

錫

二年和義之郡粗護憇棠

榮州唐天寶初改和義郡

再命通德之邦

獲依仙李

杜詩仙李盤根大

不謂我入而公出

昌黎祭張員外文解手背面遂

十一年君出我入如相避

真成室邇而人遐

詩東門之墀茹蘆在

然生閭死休吞不復宣
阪具室則邇其人甚遠陳後山詩室邇人則遠燕默勞
者歌梁書阮孝緒傳任昉尋其兄履之欲造而不敢歎
曰具室則邇其人則遠
辱寄朶雲

見前如對落月

少陵夢李白詩

為名流所欽尚如此

落月滿屋梁
猶疑照顏色

恭惟某官員材鯁亮蓄德鴻深雪檜霜松

凜凜祖風之似公槐卿棘英英家學之傳四奏郡庸兩

將使指巖巖漢沔帳下之甲多奔往往已渝舟中之指

可掬

董仲舒傳是王道往往而絕也揚雄傳往往離宮
般以相燭兮注言所往之處皆有之咸宣傳往往

而羣無可奈何匈奴傳往往而聚者百有餘戎又精騎

往往隨後去司馬遷傳詩書往往間出外戚傳壁帶往

往為黃金釭西域傳往往為數國吳王濞傳往往而有

注言處處皆有之西域傳巴渝注巴渝所謂賁人左傳

晉中軍下軍爭舟

舟中之指可掬也

去孔伋君誰與守見王導吾復何憂

共歌四牡之有功

竝見前

行趣八鸞之入覲

詩韓侯入覲以其介珪入

觀于王八鸞鏘
鏘不顯其光

某獲通族譜

新唐書張九齡傳張說為宰相親重之與通譜系常


曰後出詞人之冠也新唐書羅紹威傳江東羅隱工為詩紹威厚幣遺之通譜系昭穆

且託交盟

勿勞乎勿誨乎尚希忠告同姓也同業也宜不遐遺

易泰

九二包荒用馮河不遐遺
朋亡得尚于中行餘見前



四六標準卷二十五

欽定四庫全書

集部
四六標準卷二十六

詳校官庶吉士_臣何道沖

主事_臣呂雲棟覆勘

總校官進士_臣繆琪

校對官助教_臣羅萬選

謄錄監生_臣李玠

欽定四庫全書

四六標準卷二十六

宋 李劉 撰

倉使

提舉常平即漢耿壽昌常平之任宋淳化中建
常平倉景德祐元年令轉運司舉長吏舉所部官

專領

之然猶隸漕臣熙寧遣使提領此提舉常平之

始九年

府界畿內亦專置提舉常平倉一員不令司

農丞

兼領提舉常平司操常平斂散之法申嚴免役

之政

令治荒修廢賑民艱阨則隸提舉司歲察所部

廉能

而保任之若疲軟或犯法則隨其職事劾奏元

祐初

罷紹聖九年復置建炎元年併歸提刑司二年

復還

其

羅本

通王提舉

與權口詳旨意蓋倅
武岡時通湖南倉使

抗章引外揭節司平

馮衍傳懷金垂紫揭節奉使注揭持也漢宣帝時耿壽昌請于邊郡

皆築倉穀賤時增價而糶貴時減價而糶名曰常平倉常平之名始於此宋淳化中建常平倉熙寧中遣使提

領此提舉正士去朝四海之疑未釋望郎問俗三湘之

幸則多

元氏長慶集嘉乃令子為吾望郎孫樵康郎中墓誌駕行望郎錦川星使山谷詩同舍多望郎

杜詩問俗九州歲寰宇記

况以部刺史之天

趙嘏詩尋花偶坐將

三湘謂湘潭湘鄉湘源

來臨舊令尹之地民信之矣帝

東坡詩一見刺史天

念在茲恭惟某官天韻崇懿風猷膚碩學問廣大日先

玉潔而蛟翔
李漢韓文序詭然而蛟龍翔蔚然而虎鳳躍鏘然而韶鈞鳴日光玉潔周情孔思千

態萬貌

氣志清明燭照數計而龜卜

禮記清明在躬氣志如神正義云言聖人

清靜光明之德在於躬身氣志變化微妙如神韓文若燭照數計而龜卜也詳見前

早提邑最入

踐朝行徧儀清選而人訝其遲

訝五駕切增韻疑恠也

立登要路

而公不之願

杜詩自謂頗挺出立登要路津

古之君子寧可祿歎而氣

豐今之謀人詎恤身進而德退

尚書今之謀人姑將以為親

拂衣勇

甚

范丹傳便起告違拂衣而去楊彪傳孔融魯國男子明日便當拂衣而去羊祜傳行拂衣而起南史王僧

虔傳彼若見惡當拂衣去耳梁書何點傳弱冠拂衣華首一操謝朓傳斂迹康衢拂衣林岵又拂衣東山眇絕塵軌又建武之世拂衣止足晉書郝超傳性好聞人棲遁有能解榮拂衣者超為之起屋宇作器服畜僕豎費

百金而不吝唐胡宿詩稽康懶慢仍耽酒范蠡逋逃久
拂衣東坡詩賢哉仲氏早拂衣占斷此山長洗耳又拂
衣自注下下考芋
魁飯豈吾豈無攬轡慨然載歌小雅之皇華見復領

大招之清絕

楚屈平為懷王左徒博聞強志嫺於辭令
同列心害其能而譏之王怒疏平平自傷

忠而被謗乃作離騷經以諷不見省納及襄王立又放
之江南復作九歌天問九章遠游卜居漁父大招自沉
汨羅以死屈潭在湘陰縣六十里酈道元水經云汨水
西經玉筍又西為屈潭即羅潭也杜詩湖南清絕地互
見我聞在昔三異具見於一同尚書我聞在前民到于今

五善固忻於重拜

見前

所虞驛名靡俟鴈回

迴鴈峰在衡州亦屬湖南

某去國三年起家二郡

見前

瞻霄漢之佳士昔蒙或輓以

或推

杜詩繡衣春當霄漢立左傳或推之或輓之能無入乎

逢瀟湘之故人今乃

受容而受察

柳渾詩瀟湘逢故人詳見前

偶甫至丞哉之壁

倅武岡

末

由望使者之車文儒申申既喜迎柳公之不遠武岡矯

矯亦幾見王導而無憂

俱見前

通湖南樂提舉

章○詳啓意蓋薄寧鄉時上倉使所作寧鄉諫潭州湖南所轄也

人一天而我二未遑樂霧之披

宋王楙野客叢書今用披霧靚青天事多指樂

廣如梁孝元詩還思逢樂廣能令雲霧褰駱賓王詩遠披樂廣天是也不知此語非創見于晉徐幹中論曰文王畋於渭水遇太公釣名而與之言載之而歸文王之識也灼然如驅雲而見白日霍然如開霞而靚青天晉

人蓋引此語以美樂令耳

戒七日而齋三將展衡雲之拜

禮記子云七日戒三

日齋注七日戒者謂散齋也三日齋者謂致齋也昌黎
謁衡嶽詩五嶽祭秩皆三公四方環鎮嵩當中噴雲泄
霧藏半腹雖有絕頂誰能窮我來正逢秋雨節陰氣晦
昧無清風潛心默禱若有應豈非正直能感通森然魄
動下馬拜松栢一遄趨靈宮湖
南提舉常平司治在衡州故云持不腆之上轄腆他典切說文

多也又厚也左傳不腆之田又不腆敝邑之禮公羊傳
不腆先君之服又不腆先君之器轄下轄切說文車軸
端鍵也通典曠莫達乎中涓曹參傳參以中涓從如淳
唐主簿上轄

涓潔也言其在中主知潔清

削牘斐然

原涉傳削牘為疏

負芒

悚甚

霍光傳上內嚴憚之若芒刺在背悚通作聳或作懔說文懼也漢刑法志懔之以行

恭惟某

官器資顯允

詩顯允方叔

德履碩膚

詩公孫碩膚

亞卿之呼吸智

謀雲仍固在

左傳為亞卿馬史記樂毅傳毅為魏昭王使于燕燕王以客禮待之毅辭讓遂委質

為臣昭王以為亞卿齊潘王昏亂昭王使毅為上將軍以伐齊破之濟西追至臨淄下齊七十餘城皆為郡縣

英雄記呂布與袁術書昔樂毅攻齊呼吸下齊七十餘城正子之克實善信風烈猶

存魏科摘髭要路策足落筆坐奔於萬馬善刀立解于

千牛

前並見

縣庸蔚乎浮湘郡最卓於守郢

郢以井切說文故楚都在

南郡江陵北十里

不但別盤根之利器

見前

要已知勁草於疾風

南史庾仲遠初為明帝府佐廢帝景和中明帝疑防賓客故人無到門者唯仲遠朝謁不替明帝即位謂曰卿

所謂疾風知勁草蕭瑞傳帝賜瑞詩曰疾風知勁草版蕩識誠臣

蓋歸清切之班朝夕

獻納勉副皇華之遣原隰馳驅甫湘水之曉行遙蔡城

之夜縛郵醪有酒

竝見前

洞庭無波

九歌洞庭波兮木葉下

六轡既

均復戍清絕之地

見前

一節以走恐登碧落之天

禮記凡君名以

三節二節以走一節以趨碧落天也李涉詩碧落高萬里詳見前

某不肖至愚無聞

甚陋二科鹿鹿遂謀三釜以養親

王制注獨獨鹿鹿也鹿鹿無所依莊子吾

及親仕三釜而心樂詳見前

千里魚魚誰以四方而供簿

韓文魚魚雅雅注魚

鳥飛行成隊山谷詩從師學道魚千里

然專令朱出而墨入

見前

決不敢黃

放而白催

李燾長編字文粹中進對云朝廷黃紙放白紙催

有先達者為之前

此志或遂居下位不獲乎上茲道難行受察云初願忠

敢隱移慈竹而栽率土定未忘故里之情

述異記章帝三年子母筍

生白虎殿前時謂之孝竹群臣獻孝竹頌詩義曰南中生子母竹今慈竹是也杜少陵集堂下累土為山一置盈尺以代彼朽木旁

植慈竹率字疑誤

賦梅花而獻繡衣敢妄冀聞人之

目劉禹錫上權舍人書宋廣平之沉下僚也蘇公味道時為繡衣直指使者廣平授以梅花賦蘓盛稱之自是乃列於聞人之目

通新江西提舉兼知撫州徐監丞

瑒

榮驅龍節

周禮掌節澤國用龍節疏澤多龍者若鄭國之類也以金為節鑄龍之象

兼綰魚

符

隋文帝紀開皇九年頒木魚符於總管刺史雖一雄一唐車服志初高祖入長安罷隋竹使符班銀莧符

其後改為銅魚符以起軍旅以易守長

內府轉丞方表循良之最

周禮內府掌受

九貢九賦九功之貨賄良兵良器以待邦之大用凡四方之幣獻之金玉齒革兵器凡良貨賄入焉外臺

選使更疇牧御之庸一道驩然六條秩若恭惟某官器

資膚敏業履淑均

竝見前

無終義理之文夙高朱賈

徐樂傳樂

燕郡無終人也嚴助傳上令助等與大臣辯論中外相應以義理之文朱謂買臣賈謂捐之

有功平

反之德遠邁于張

朝野僉載云客問司農卿徐有功何如浮休子曰有功耿直之士也明而

有膽剛而能斷處陵夷之運不偷媚以取容居版蕩之朝不遜辭以苟免來俊臣羅織者有功出之哀智弘鍛鍊者有功寬之鳳跼景鵠之內直以全身豹變豺狼之間忠以遠害若值清平之代則張釋之于定國豈同年哉

峻名胄之遙遙

南史何昌寓傳為吏部尚書有一客姓閔求官昌寓問君是誰後答

曰子騫後昌寓團扇掩口知餘風之挺挺魏墓傳贊挺而笑謂坐客曰遙遙華胄

詳見 君山出牧屹隆維屏之藩

君山在岳州洞庭湖中方六十里狀如十二螺

髻北夢瑣言湘江北流至岳陽達蜀江夏潦後蜀江漲過住湘波溢為洞庭湖凡數百里而君山宛在水中秋水歸此山復居于陸惟一條湘川而已劉夢得詩湖光秋色兩相和潭面無風鏡未磨遙望洞庭山水翠白銀盤裏一青螺山谷詩滿川風月獨凭欄綰結湘娥十二鬟可惜不當湖水滿銀山堆裏看青山

汝水竊

隣已沐餘波之潤

汝水在撫州府其源上接盱江流經金谿縣南曲折行百餘里東流合豫

章水其上流之分派自千金陂西流至郡城東抱城而北合宜黃崇仁二縣溪水流至南昌界合豫章水入鄱

湖陽帝念西江之涸民多南畝之離肆咨六轡之良并任

雙旌之重安其甲里而無恨有蔽芾之甘棠送以禮樂

而有光寧逶迤於苞栩諒恥納溝之失所必已攬轡而

慨然

竝見前

式遄其歸

詩仲山甫徂齊式遄其歸注遄疾也周人望仲山甫欲其用是疾歸

不諫亦入

詩不聞亦式不諫亦入王肅云不聞道而自合于法無諫者而自入于道唯聖德乃然此

借某淹回蜀道企想滕仁畏此簡書乏流馬木牛之智

詩豈不懷歸畏此簡書同惡相恤之謂也李
商隱詩魚鳥猶知畏簡書風雲長自護儲胥
蘭然疲敝

知奔蜂藿蠋之難

莊子蘭然疲役而不知所歸可不哀耶注蘭音捻忘貌疲病困之狀凡物

各以其所好役于形骸至于疲困蘭然不知所以好此之歸於已云何也又奔蜂不能化藿蠋越鷄不能伏鵠

卯注奔蜂小蜂蠋音蜀豆藿中大青虫也詩何由回北

斗之槎尚冀下南州之榻其為頌侯罔槩鋪茶

竝見前

代回胡提舉

案。詳啓意以下皆代月湖

訢合守符

禮記天地訢合傳變傳初郡將范津名知人舉變孝廉及津為漢陽與變交代合符而去

鄉邦榮之載馳使節田里之無愁歎已茂民庸原隰之有光

華宜膺君選

見前

恭惟某官器資凝遠德履端深迎寒露

置玉壺撓而不濁

杜詩烟如一段清冰出萬壑置在迎風寒露之玉壺黃憲傳澄之不清清

之不濁

懷連城佩寶璐即之也溫

屈原九章被明月兮被寶璐山谷濂溪詩懷連

城今佩明月璐魯故切說文玉也

有華左轄

景帝紀令長吏二千石車朱兩轄注轄甫元反有障

蔽之車也二千石雙朱其次乃偏其左

詳試右翊

右馮翊

歛嚴瀨釣竿之手

將賦歸來

嚴光傳少有高名與光武同遊學帝思其賢以物色訪之齊國上言有一男子披羊裘釣

澤中遣使聘之三返而後至終不屈乃耕於富春山後人名其釣處為嚴陵瀨馬顧野王輿地志七里瀨在東陽江下與嚴陵瀨相接有嚴山桐廬縣南有嚴子陵漁釣處今山邊有石上平可坐十人臨水名為嚴陵釣臺

也項安世詩君房足下竟成諛只有韓歆已
破除豈有江湖釣竿手與君臺閣奉文書
適武夷粟

粒之牙猶煩料理

武夷山在崇安南三十里為第十六
昇真元化洞天昔有神仙降此山曰

予為武夷君總錄地仙受節於此由是得名武夷志云
周迴百二十里凡峯巒巖石三十有六此外以名著者
復不下十餘所東坡詩君不見武夷溪邊粟粒芽前丁
後蔡相籠加注粟粒芽茶之極品北苑別錄茶有小芽
有中芽有紫芽有白合有烏蒂凡茶以水芽為上小芽
次之中芽又次之餘皆在所不取料力弔切增韻計也
理也王微之傳比當相料理南史梁末童謠黃塵汚人
衣阜英相料理山谷詩睡魔正仰茶料理宋福建提舉
常平司龍光渥甚
詩為龍為光又何天之龍鄭
治建寧龍光渥甚
注讀作寵榮名之謂互見前
壯轡如
濡君乘使者車民知免矣
岑參詩故人方乘使者車
吾知郭丹却不如詳見前
詔

詣行在所予日望之方欲通咫尺之書乃先勤四六之

惠

竝見前

某老未得謝

禮記大夫七十而致事若不得謝則必賜之几杖

命作納

言不善斲而汗顏稍麾即去

史記汲黯傳招之不去麾之不去餘見前

望持

斧之直指更勉其驅

見前

代回淮東齊倉

礪

訢合守符肅將使指田里之無愁恨厥績茂焉

宣帝詔恩惠卓

異厥功茂焉

禮樂之有光華此行寵矣恭惟某官人門具美

陳書蔡凝傳高宗嘗謂凝曰我欲用義興主壻錢肅為黃門郎卿意何如凝正色對曰帝鄉舊戚恩由聖旨則

無所復問若格以僉議黃散之職固須人門兼美惟陛下裁之高宗默然而止東坡詩清朝固多士人門子皆冠

風調不羣溫恭惟德之基於文無害

詩溫溫恭人惟德之基注寬柔

之人溫溫然則能為德之基止言內有其性乃可以有為德也蕭何傳以文母害為沛主吏掾服虔曰為人解通無嫉害也應劭曰雖為文吏而不刻害也蘇林曰無害若言無比也一曰害勝也無能勝害之者晉灼曰酷吏傳趙禹為丞相亞夫吏府中皆稱其廉然亞夫不任曰極知禹無害然文深不可以居大府蘇說是也師古曰害傷也無人能傷害之者蘇晉兩說皆得其意服應非也野客叢書云按後漢書百官表秋冬遣無害都吏案訊諸囚注按律有無害都吏如今言公平吏漢書音義曰文無所枉害蕭何傳所云正如此也乃知無害吏亦漢律中語齊永明間策文云賢牧分平易近民之政陝文而無害此意正與蕭何文無害同

所去見思

史記夫政不簡不易民不有近平易近民民必歸之

眷是榆邊

趙武靈王西略

胡地至榆中戰國策王胡服率騎入胡至榆中辟地千里伍被傳廣長榆開朔方即衛青傳所云榆谿舊塞或謂之榆中始皇本紀西北斥逐匈奴自榆中竝河以東屬之陰山以為三十四縣城河上為塞正義曰榆中即今勝州榆林縣也廣記榆林縣南有榆溪塞即蒙恬侵胡植榆為塞是也東有榆林關隋開皇三年置宋南渡後以淮

東為邊

鬱然棠蔭茲自天而出綍不易地而褰帷淮水

湯湯式展澄清之志

湯尸羊切湯湯水流貌詩鐘鼓鏘鏘淮水湯湯又汶水湯湯毛傳大

貌又水盛貌尚書湯湯洪水方周原臚臚行觀勞來之

割詩其流湯湯放縱無所入也功臚美也厚也詩周原臚臚莛荼如飴勞即到切慰也杜預云叙其勤以答也來落代切音與賴同通作徠

答其勤曰勞撫其至曰來原涉傳勞某縻迹於朝莫面來慰勉詩勞未還定安集之互見前

以賀五雉之為工正久已懷歸四牡之勞使臣別遲贊

喜

竝見前

代回湖南楊倉

九鼎。鶴林玉露云楊九鼎在蜀

亂殺九鼎剖其腹實以金銀曰使其貪腹飽飫宋史寧宗嘉定十一年四月張福入利州殺總領財

賦楊

九鼎

顯升簿正改貢使華

升貢卦名

國方貪賢使服班行之上

韓文

論孔戣致仕狀優以祿秩不聽其去以明人君貪賢敬老之道又今戣據禮求退若不聽許亦無傷於義而有

貪賢之美王荆公詩從來貴勢公何慕自是賢名上所貪行寒剛切列也詩真波周行傳列也傳周之列位謂朝廷臣也韓詩班行再肅穆民尤望賜故資原隰之驅畫繡分光宵

衣寬顧

竝見前

恭惟某官性資寬栗

尚書寬而栗

材具碩膚觀

其不辭州縣之勞固知必為廊廟之器兩著扞城之績

去則見思

左傳百官承事朝而不夕此諸侯所以扞城其民也桓溫傳贊受寄扞城用恢威畧東坡

詩誰信儒冠也扞城

一罹枕塊之悲毅然執禮

禮記寢苦枕塊哀親之在土也枕之

陰反塊土也又父母之喪居倚廬寢苦枕塊又寢苦枕塊所以為至痛飾也

既畢祥琴之御

東坡詩祥琴雖未調餘悲不敢留

爰膺戎器之除

易君子以除戎器戒不虞此除軍器監借

用除字 適是重湖年饑而用不足加之諸洞地大而藥易

牙藥魚列切木餘也謂斬而復生魯語山不槎藥注以

牙株生曰藥牙通作芽淮南子萌兆牙藥未有形埒垠

瑀韓文平淮西碑物衆地大藥 欲其澄清知所斂散

周益

公詩斂散新 非輟寬閎通敏之士難課還定安集之功

陳倚繡衣

四牡載馳萬物吐氣突不黔席不煖了無媿安避事之

竝見

某賀我選

厥晉語趙宣子言韓獻子於靈公以為司馬河曲之後

趙孟使人以其來車千行獻子執而戮之衆咸曰韓

厥必不沒矣其主朝升之而莫戮其車其誰安之宣子

召而禮之皆告諸大夫曰二三子可以賀我矣吾舉厥

也而中吾乃今知免於罪矣注宣子趙盾獻子韓厥司馬軍吏也干犯也行音杭軍列也沒終也車車僕也朝

莫喻逢人說斯見暮見吳山有老大徒傷悲之感古樂府長

歌行百川東到海何時復西歸少壯不努力老大徒傷悲曉行湘水願功名留久遠

之看

見前

代回浙東孟提舉植

肅將星駕分察日畿遠而光華況去天之尺五杜詩爾家

最近魁三象時論同歸尺五天公近在旦夕佇擊水之

三千莊子鵬之徙于南冥也水擊三千里曾旅進之未由何謙撫之先辱

恭惟某官器資疑重德宇浚明

陸玩傳搢紳之徒莫不
瞻其德宇柳詩宏規高

德宇麗藻
競詞林

方公少年嘗棲棘於獨秀之下

獨秀峰在南
安府南康縣

東舊名鷄籠東坡
南遷更名獨秀

維時老子偶泛蓮於鬱孤之傍

馬援
傳頗

哀老子陶侃傳老子婆娑鬱孤臺在贛州麗譙坤維隆
阜鬱然孤起平地數丈冠冕一郡之形勢而襟帶千里
之江山唐李勉為虔州刺史登臨北望慨然曰余雖不
及子牟而心在魏闕一也鬱孤豈令名乎改為望闕郡
守曾慥增創二臺南為鬱孤北為望闕東坡詩煙雲縹
緲鬱孤臺積翠浮空雨半開想見之眾觀海市絳宮明
滅是蓬萊程師孟詩昔人善名名鬱孤下視百
里如平鋪千巖迤邐何獨秀白雲蔽虧青骨瘦
從劉禹錫詩官班高後少過從山谷
詩稍喜過從近又卷僻過從少
不勝傾倒
杜詩蘇
侯得數

過惟喜每傾倒山谷詩推

淒其三紀

詩淒其以風

存者幾人

數天下士誠心要傾倒

東坡詩夢回聞剝啄李後主詞細雨夢回鷄塞遠

何啻千帆之

過

劉禹錫詩沉舟側畔千帆過枯木前頭萬樹春

天子有詔選公卿於西漢之

循

韓文母疾其驅天子有詔循吏傳公卿缺則選諸所表以次用之

太守謂誰疑姓名

必東家之故

歐文醉翁亭記太守謂誰廬陵歐陽脩也

顧取斜飛之勢又為

直指之行

見前

登蓬萊宮問百萬蒼生之辛苦

唐高宗紀龍朔二年

四月作蓬萊宮禮樂志唐初鐘磬凡三十六簾蓬萊宮成增用七十二簾杜甫三獻賦蓬萊宮

探會稽

穴添一部史記之雄深

司馬遷傳上會稽探禹穴又遷為太史令紬史記石室金縢之

書馬子才贈蓋邦式序司馬子長之文章不在書學者每以書求之則終身不知其奇予有一部史記在天下名山大川壯麗可恠之處將與子周游而歷覽之庶幾可以知此文矣

舉頭即在於長安

濯足會登於雲漢

見前

某鷄豚共社

韓詩願為同社人鷄豚燕春秋詳見前

虎鼠同宮

國史補陸長源以舊德為宣武行軍司馬韓愈為巡官同在使幕或譏年輩相懸周愿曰

大蟲老鼠俱為十二屬何恠之有旬日此語布之長安

方欲寫贊喜之忱乃先沐

過情之謝厭承明之廬勞侍從之事無以公歸

並見前

為

邦家之光非閭里之榮豈惟我賀

左傳叔弓如晉賀虎祈也游吉相鄭伯以

如晉亦賀史趙見子大叔曰甚哉其相蒙也可弔也而又賀之子大叔曰若何弔也其非唯我賀將天下實賀

餘見
前

代回江西王提舉
顧問

簪筆何功蒙誤恩之起廢

蔡謨傳昔階謬恩蒙忝非據東坡集計此誤恩必難安處

陳後山詩將老蒙誤恩太史公自敘春秋補敝起廢東坡詩今年聞起廢

函牋為惠感妙語

之噓枯

鄭太傳清談高論噓枯吹生東坡集固無心於集苑而有力于噓枯

有味其言
前見

不知所賀

左傳國老皆賀子文為賈尚幼後至不賀子文問之對曰不知所賀

恭惟某官

王之膚使古之謀人慷慨登車覺范滂之不遠

前見

勤

渠下榻正徐穉以前來

詩夏屋渠渠渠注夏屋大具也渠渠勤勤也言於我設禮食大具

以食我其意勤
勤然餘見前

故當駕彼四牡之勞不廢遺我雙魚之

寵見

前某老將及耄

左傳老將知而耄及之

生也有涯

莊子吾生也有涯而知也無涯

注所稟之分各有極也夫舉重攜輕而神氣自若此力之所限也而尚名好勝者雖復絕膂猶未足以慊其願此知之無涯也故知之為名生於失當而滅於冥極冥極者任其至分而無豪銖之如是故雖負萬鈞苟當其所能則忽然不知重之在身雖應萬機

雖則荷囊還本

來之面目

法寶壇經不思善不思惡正與麼時那箇是明上座本來面目東坡詩一任秋霜換鬢毛

本來面目

其如蓬鬢當自揣於頭顱

見前

曷月還歸定相

從於杖履

還音旋詩懷哉懷哉曷月予還歸哉注懷安也思鄉里處者故曰今亦安否哉安否哉何

月我得還歸見之哉思之甚韓文古之老於鄉者閭井田宅具在親戚之不仕與倦而歸者不在東阡在北陌可杖屨因風占謝愧莫報於瓊琚

李陵答蘇武書時因北風復惠德音

往來也

晉書何劭傳諸方貢獻帝輒賜之而觀其占謝焉南史謝顥傳詣齊高帝自占謝言辭清麗容儀端雅左右為之傾目

代回湖南葉提舉宗魯

起自家林肅將庾節民以財為本當加培植之功

食貨志洪

範八政一曰食二曰貨所以分財布利通有無者也二者生民之本君乘使者車必有阜

通之政得人如此通國驩然恭惟某官風調不群天材

甚茂郎潛既久忽為襍被之謀邊隙方開亟進徙薪之

計身謀雖左物望益高茲膺禮樂之光華復任貨財之

平準

竝見前

政恐公車之暮召

主父偃傳迺上書門下朝奏暮召入見

不容

湘水之曉行某嘗具一箋未敢多賀駕彼四牡諒有功

而見知

竝見前

雖則七襄愧成章之匪報

詩匪報也永以為好也

代回章提舉

良肱

郡符訢合庾節光華昔湖南之一州欽此大惠

竝見前

今

江西之列郡汔可小康

詩民亦勞止汔可小康說文汔水涸也詩傳危也幾幾也正義

曰爾雅譏汙也疏近也郭璞曰謂相摩近反覆相訓是
汙得為幾也左傳亦引此杜預云期也然則期字雖別
皆是義續而申之續引也增韻長也易引自此升矣見前恭

惟某官器資疑遠學行淵源領著讐中豈固薄蓬萊之

島

劉向傳詔向領校中五經秘書師古曰言中者以別於外柳文謫龍說薄蓬萊羞崑崙而不即

抗章

請外必欲開祝融之雲

見前

人言衡山千里之遙

禮記自江至于

衡山千里而遙孰知周公期年而變茲從畫戟易舁繡衣載馳

載驅民已安於四境

見前

受容受察吏知服於六條

韓文受容

受察不復進謝將由膚使之功又趣面君之詔燕人為函粵人

為鑄奏技闕然

鑄音博田器函鑑也考工記粵之無鑄也非無鑄也夫人而能為鑄也燕之無

函也非無函也夫人而能為函也

伯氏吹璫仲氏吹簫均茵幸甚

周陽由傳

汲黯為校司馬安之文惡俱在二千石列同車未嘗敢均茵焉師古曰茵車中褥也言此二人皆下讓由故同車之時自處其偏側某自聞除目尤切懼顏見前託諸侯

以寓公自今以始

禮記諸侯不臣寓公故古者寓公不繼世正義曰寄公者何也失地之君

也或天子削地或被諸侯所逐詩自今以始歲其有

受一廛於仁政曷月于歸見前

代回文思趙提舉

希倉

疇庸百里進轄五工

轄下轄切音與黠同或禮儀知皇作牽說文車軸端鍵也

帝之尊所關甚重

叔孫通傳高帝曰吾廼今日知為皇帝之貴也

臺閣須子弟

之習未占已孚

新唐書選舉志李德裕對武宗曰朝廷選官須公卿子弟為之何者少習其業

自熟朝廷事臺閣之儀不教而自成詳見前

恭惟某官禮樂宗英典刑家法

兩試一同之地並騰三異之聲所去見思願留借寇後

來居上無以易堯

並見前

夏氏上匠虞氏上陶小煩鳩僦

致工記有虞氏上陶夏后上匠殷人上梓周人上輿尚書共工方鳩僦功

周公拜前魯公拜

後會即象賢

見前

某天幸同曹

霍去病傳亦有天幸

早勤委質名父

子之歷塊俯仰為僚

見前

老詩書之斲輪始知終免

莊子行年

七十而老斲輪山谷
詩問取人間老斲輪

代回孟提舉

植

憲曹贊治自揆罔功起部虛員遽叨攝長

月湖自刑部侍郎遷工部

尚書

故云冒國恩而有覲託隣茫以知歸恭惟某官密邇王

畿

尚書密爾王室

久將使蕩有功則說行當勞四牡之來

並見前

位事惟能必進扈六飛之御

尚書建官惟賢位事惟能

測山如淳曰六飛六馬之疾若飛也

何旁觀之巧匠

韓文巧匠旁觀縮手袖間

猶不廢

乎拙工特枉雙魚見華五雉

並見前

某瀆三不告

易初筮告再三

潰潰則不告

負四宜休

山谷四休居士詩序粗茶淡飯飽即休補破遮寒暖即休三平二滿過即

休不貪不妬老即休

某水某丘乃童子所釣遊也

韓文某水某丘吾童子時所釣

遊也詳見前

彼鋸彼斧惟梓人之進退焉

柳文梓人傳委群材會衆工或執斧

斤或執刀鋸梓人左持引右執杖而中處焉揮其杖曰斧彼執斧者奔而右顧而指曰鋸彼執鋸者趨而左俄而斤者斲刀者削皆視其色俟其言莫敢自斷者其不勝任者怒而退之亦莫敢怨焉

代回廣東孟提舉

植

避直郎闡服勤使節番陽之召來朝何錫予之

詩采菽采菽筐

之宮之君子來朝何錫予之雖無予之路車乘馬又何予之玄衮及黼

嶺嶠于行言遠而

光華也恭惟某官受才膚敏賦政中和

竝見前

不俟駕固

將朝陳前甚敬將入門奔而殿敢後則非驅駱馬之嘽

嘽

詩四牡駢駢嘽嘽駱馬嘽音灘說文喘息也詩傳喘息之貌

妥飛鳶之跼跼

見前梅

花雪片洗空五嶺之炎

杜詩梅花萬里外雪片一冬深

茶焙鹽帆膽足

九年之食使乎不辱王所謂何某有幸卜隣

並見前

謂當

聯事北山瞋膽已移猿鶴之文

北山移文蕙帳空兮夜鶴怨山人去兮曉猿驚

又叢條瞋膽疊韻愁魄或飛柯以折輪乍低枝而掃迹

東野回頭猶有駟蛩之願

昌黎醉留東野詩低頭拜東野願得終始如駟蛩東野不迴頭有如寸筵撞鉅鐘蛩音窮駟音巨說文蛩蛩巨

虛獸名也孔叢子北方有獸名蜃食得甘草必齧以遺
蜃蜃巨虛二獸見人來必負蜃以走二獸非愛蜃也為
其得甘草以遺之蜃非愛二獸也為其假足也司馬相
如子虛賦作蜃蜃距虛注叩叩青獸如馬距虛似羸而
小郭璞曰距虛即蜃蜃互言耳呂氏春秋北方有獸名
蜃鼠前而兔後趨則頓走則顛蜃蜃前足高不得食而
善走蜃常為蜃蜃取食蜃蜃負之而走爾雅西方有比
肩獸焉與叩叩距虛比為叩叩距虛齧甘草即有難叩
叩距虛負而走其名曰蜃疏云今鴈門廣武縣夏屋山
下有獸形如兔而大相負共行土俗名之為蜃鼠又云
亦名巨虛郭璞比肩獸贊曰蜃與距虛乍兔乍
鼠長短相濟彼我俱舉有若自然同心共贊

代回湖北趙提舉

師古

虎符訢合牡轡光華卧護重湖材素雄於辦治

尹賞傳
四子皆

至郡守皆尚威嚴有辨治名張
敵傳武必辨治梁矣互見前

身兼數印權益重於按

臨見恭惟某官德秉忱恂

尚書迪知忱恂于九德之行

識全膚敏一

路大計惟錢穀幾何刑獄幾何連年多虞蓋蓄積缺矣

忠信缺矣

詩序皇皇者華廢則忠信缺矣華泰廢則蓄積缺矣

繡斧茲煩於直指

采衣尤樂於平反

為言語飲食異于他時東坡詩京兆為言語飲食異于他時東坡詩京兆

平反一笑春

載馳載驅想星言之夙駕是穠是袞將天道之

好還

穠悲嬌切說文耕禾間也徐曰禾已長大復鉏其間草也廣韻除田歲萊壅苗也左傳是穠是萊老

子以道佐入主者不以兵強天下其事好還

某闕然僣功偶此攝長送之以

禮樂愧賀幅之已稽是以有袞衣願德音之是懋

並見前

代回淮東陳倉

孔碩

抗辭請外將指臨邊明啓刑書未覺承哉之負

尚書明啓刑書

胥占時月湖為刑侍

式遏寇虐正觀使者之功

詩式遏寇虐憚不畏明注寇虐害加

于民當用法遏止之

恭惟某官表嚴而裏寬人今而學古孔懷同

氣蟬孰嘆於有綏

詩死喪之威兄弟孔懷注言兄弟之思至厚有死喪可怖畏之事維兄弟

之親甚相思念餘人則不能也禮記成人有其兄死而不為衰者聞子皋將為成宰遂為衰成人曰蠶則績而蟹有匡范則冠而蟬有綏兄則死而子皋為之衰正義曰成孟氏所食米邑子皋孔子弟子蠶則績絲作繭蟹

背殼似匡范蜂也蜂頭上有物似冠蟬喙長在口下似冠之綫也蠶則須匡以貯繭而今無匡蟹背有匡匡自著蟹則非為蠶設蜂冠無綫而蟬口有綫綫自著蟬非為蜂設譬如成人兄死初不作衰後畏子臯方為制服是子臯為之非為兄施亦如折獄片言雀難欺於無蟹匡蟬綫各不闕於蠶蜂也

角詩誰謂雀無角何以穿我屋注物有似而不同雀之穿屋不以角乃以喙言人誰謂雀無角乎雀若無角何以得穿我屋乎適淮民之饑饉勤周道之逶迤側聞褰帷列

吾側聞之良多負襁粟塞其庾斯成末乃取闢之功昌黎試以告汝

元和聖德詩末乃取闢駭汗如寫優賞將吏扶珪綴組帛堆其家粟塞其庾印弄於朝行有

無以易堯之命見某濫司飭化周禮以九職任萬民五曰百工飭化百材詳見

前莫贊光華遺我雙魚豈止加餐之字

古詩客從遠方來遺我雙鯉魚

呼重烹鯉魚內有尺素書長跼讀書中意何如上有加餐飯下有長相思

駕彼四駱請歌

靡盬之詩

見前

代回江西章提舉

良肱

五雉工正之聯承人之乏

左傳攝官承乏餘見前

四牡使臣之重

博我以文得非所蒙願竊有復恭惟某官內外揚歷表

裏融明開南嶽之雲厥功已茂激西江之水所惠滋多

並見前

蘇民氣於崇朝

詩曾不崇朝又崇朝其雨注崇終也從旦至食時為終朝尚書大傳

五嶽皆觸石而出雲膚寸而合

斧盜吭兮未晚

吭吉郎切喉也

韓文孰為不順往斧其吭

皇華原隰之上願益咨陬清切雨露之邊

會觀獻納某強顏曳履決意投簪觀風而問高年想憐其拙畫地而數佳政亦足以歸

代回浙西林提舉

拱辰

簪筆何功蒙誤恩之起廢函牋為惠感妙語之噓枯或承之羞不知所賀

並見前

恭惟某官高誼絕俗厚德鎮浮

宜頡頏於飛霞

韓詩乞君飛霞佩與我高頡頏

猶簸弄於明月

韓詩婆娑海水

南籟弄
明月珠

駕彼四牡名大震於京師

法言谷口鄭子真不誣其志耕於巖石之

下名震
於京師

遺我雙魚先自生於庭戶某拜命之辱

左傳莊公十一

年宋大水公使弔焉曰天作淫雨而害于衆盛若何不弔對曰孤實不敬天降之災又以爲君憂拜命之辱又齊人獲臧堅齊侯使夙沙衛宮之且曰無死堅稽首曰拜命之辱有味其言咫尺不違

方
顏雖少華於末路

鄒陽傳晚節末路

八十猶行脚諒見笈於大

代回淮東劉提舉

庶

斜日投閑冒誤恩而入侍朶雲借潤儼好語以相先自

惟闕然何以得此恭惟某官早飛雋望寢踐夷塗忽持

漢節之光華出問淮人之饑饉民為國之本不應一付

之烏鳶

並見前

君乘使者車乃可再安於鴻鴈

詩序鴻鴈美宣王也

萬民離散不安其居而能勞未還定安集之餘見前

行且召矣願少需之某生也

有涯

見前

身其餘幾

左傳畏首畏尾身其餘幾言人之一身既畏其首又畏其尾則其中不畏

者不多

意行迷路又涉赤墀之塗興盡回船終尋黃石之

約

晉書王徽之嘗居山陰夜雪初霽月色清朗四望皓然獨酌酒詠左思招隱詩忽憶戴逵逵時在剡便夜

乘小舟詣之經宿方至造門不前而反人問其故徽之曰本乘興而來興盡而反何必見安道耶張良傳者父

曰後十三年孺子見我濟北穀城山下黃石即我已後
十三年從高帝過濟北果得穀城山下黃石取而寶祠
之

代回淮東趙提舉

希道

旬侯底績

柳詩繼酬天祿署俱尉旬侯家

庾節遄驅十二政之聚民可

觀近效

周禮荒政十有二聚萬民一曰散利二曰薄征三曰緩刑四曰弛役五曰舍禁六曰去幾七曰

青禮八曰殺哀九曰蕃樂十曰多昏十有一曰索鬼神十有二曰除盜賊

六百石之察郡益

究遠圖

漢百官表武帝元封五年初置部刺史掌奉詔條察州秩六百石

邊面得賢

宋史

曹彥約傳彥約以蜀之邊面諸司並列兵權不一作病夫議獻之廟堂

上心倚重恭惟某

官稟資信厚

詩序麟趾闢雎之應也闢雎之化行則天下無犯非禮雖衰世之公子皆信厚如麟

趾之時也

毓德直溫

尚書命汝典樂教胄子直而溫寬而栗

頊結綬於王畿

顏延

之詩結綬登王畿

即分符於輔郡適時艱食

尚書奏庶艱食鮮食

極力救

荒能活數千萬人之饑何必四十二考之政

宋富鄭公弼坐謫徙

知青州會河北大水流民轉徙東下者六七十萬人公一皆招納之勸民出粟自為區畫散處境內室廬飲食醫藥纖悉無不備從者如歸市有勸公非所以處疑弭謗禍且不測公曰吾豈以一身易此六七十萬人之命哉行之愈力明年河北二麥大熟人皆襁負而歸則公所全活也公嘗與一所厚書云在青州偶能全活數萬人勝二十四考中書令遠矣出禁少蘊避暑語錄

有華出綍亟命褰帷財貨本

末源流諒皆素習

荀子田野縣鄙者財之本也垣窳倉廩者財之末也百姓時和事業得叙

者貨之源也等賦府庫者貨之流也

勞來還定安集自有成規六轡既均

二節以走某欽聞視篆未果襃賤遺我雙魚良感從遠

方之惠駕彼四牡何幸勞使臣之來

並見前

代回湖北曹提舉

彥約

短衣足馬又塵紫橐之班長跪雙魚如見繡衣之面

盧全

詩開緘如見諫議面餘竝見前

雖無以報

東坡祭韓忠獻公文雖無以報不辱其門

敢誦所

聞恭惟某官學本遺經

韓詩獨抱遺經究終始

用周當世一種陶

潛之秣

秣氏以朱湛丹秣晉書隱逸傳陶潛為彭澤令在

縣公田悉令種秣穀曰令吾常醉於酒足矣

再依王儉之蓮

前見扞敵騎於淮

濱

晉書謝玄敗苻堅於淮水見八公山草木皆兵

屹長城於漢水恢然游刃經

肯綮之未嘗

並見前

快哉此風搏扶搖而在下

宋玉風賦快哉此風

寡人所與庶人共者耶

屬重湖之瘡痍

痍瘡美切說文痍痍也廣韻瘡痍願真卿傳瘡痍未

平西京賦所惡成瘡痍東坡詩莫生尤物為瘡痍

煩一節之咨諏

禮記一節以走詩周爰咨

諏

因而訪桃源之桃不妨假館

桃源山在常德府桃源縣二十里圖經云山下

有桃川宮西南一里有桃源洞云是昔秦人避亂之地有洞如門巨石屏蔽靈跡猶存今為第三十五小洞天

陶淵明桃花源記云晉太元中武陵漁人沿溪行忽逢桃花夾岸行盡小源得一山有小口捨舟從口入豁然開朗男女衣著悉如外人自云先世避秦來此問今是何代乃不知有漢無論魏晉漁人出告太守遣人隨往逮不得路後遂無問津者任安貧武陵記晉太康中武陵漁人黃道真泛舟自沅沂流而入道真既出白太守劉歆歆與俱往則已迷路與陶記畧同宋鄭景望蒙齋筆談云陶淵明所記桃花源今鼎州桃花觀即是其處湖湘間人頗能言其勝事云自晉宋來由此上昇者六人假館曹交事恐未熟橘洲之橘已見趣裝橘洲在常德府龍陽縣西北五十里周回三里長二十里本名汎洲盛弘之云李衡字平叔仕吳為丹陽太守每欲理產業妻習氏不許衡密遣人於龍陽汎洲種橘千株臨終勅其子曰汝母惡吾營家故貧如此吾於汎洲種橘乃千頭木奴不匱汝衣食太史公言江陵千株橘其人與千戶侯等蓋謂此也今

洲上民數百家橋不存矣湘中記或曰昭潭無底橋
洲浮每大水諸洲皆沒而橘洲獨存焉趣裝曹參事某

久於離群

禮記離群索居

茲焉還綴

綴林衛切音與惴同禮記行綴疏謂鄮也正義曰謂

鄮聚舞人

老夫耄矣更數旬金馬之門

左傳老夫髦矣無能為也晉書

行位之處

索統傳老夫耄矣不為媒也願

我公歸兮或一笑銅駝

真卿傳老夫髦矣曾掌國禮

之陌

詩無以我公歸兮薛宣傳壹关相樂師古曰壹关謂一為歡天耳关古笑字晉書索靖傳靖有先識

遠量知天下將亂指洛陽宮門銅駝歎曰會見汝在荆
棘中耳白帖洛陽大道有銅駝因名銅駝陌陸機洛陽
記金馬門外聚群賢銅駝陌上集少年又云有銅駝二
枚在宮之南四會道師古曰亦云銅駝街在洛陽西京
無也陳書徐陵傳盧龍之徑于彼新開銅駝之
街於我長閉梁詩穿渠引金谷聞道出銅駝

代回趙提舉

汝謹○代衛參帥○趙汝謹傳為大理司農丞與史彌遠不合請外改湖

南提舉常平易江西尋提點刑獄

分閫罔功願歸吳下

江表傳吳下阿蒙

改轅有命俾牧閩中

史記

東越傳以其地為閩中郡徐廣曰今建州侯官是高帝紀帥閩中兵以佐滅秦業已控辭期於

得請欲謝吹噓之送

杜詩揚雄更有河東賦唯待吹噓送上天

已成急緩之

慙恭惟某官屈漢宗英持周使蕩江湖表裏勤四牡之

載驅

並見前

山岳動搖覺千牛之立解

唐韋仁約除御史曰御史啣命出使

不能動搖山嶽震懾州縣誠曠職耳莊子所解數千牛矣諒然已解如土委地注理解而無刀迹若聚土也

饑者欲令其得食慨然已見於登車諒必由洪都新府

而來猶可陪冀州故人之飲

俱見前

行止非人能也得無

戀戀之情

范曄傳綈袍戀戀有故人之意

邂逅適我願今宜有諄諄之

誨第恐一節之走能回六轡之馳某正爾思尊又蒙分

竹

俱見前

采入其阻足觀海上之禽魚

詩采入其阻注采者深入之意

不

已於行只負山中之猿鶴

詩或燕燕居息或盡瘁事國或息偃在牀或不已於行比

山移文蕙帳空兮夜鶴怨山人去兮曉猿驚

代回王提舉

遇口代月湖

右翊合符左畿易節田里之無愁歎畫地共談原隰之

有光華去天一握

三秦記民謠曰武功太白去天三百孤雲兩角去天一握山水險阻黃金

予午蛇盤馬攏勢與天通方輿勝覽孤雲山在興元府廉水縣東南百七十里與兩角山相連玉堂閑話云興

元之南有太行路通於巴州其路險峻三日而達於山頂其絕高處謂之孤雲兩角去天一握淮陰廟在焉按

興元即今陝西漢中府宋隸利州東路

恭惟某官學為儒倡

新唐書韓愈傳贊以六經

之文為諸儒倡政作吏師

朱博傳贊所在而治為世吏師

出守晉陵適楚氛之

甚惡

常州晉為毘陵郡又諱毗改晉陵郡又京口亦稱晉陵宋書武帝紀過江居晉陵郡丹徒縣之京口

里左傳楚氛甚惡

獨明名教救周民於子遺茲由畫戟之香進

席繡衣之寵

席藉也尚書茲殷庶士席寵惟舊

公方念越人之瘠加戚

於心

韓文若越人視秦人之肥瘠忽焉不加喜戚於其心

上將思王某之文最宜

為誥

韓文王某之文可思最宜為誥

某比方謁入復辱書來四牡之勞

使臣行且召矣五雉之為工正猶幸見之

俱見前

回尤提舉

裴

去國奉祠久抱伐檀之愧

詩序伐檀刺貪也在位貪鄙無功而受祿君子不得仕進

爾

起家進職忽叨分竹之榮曾巽謝之未遑何謙撝之

甚寵恭惟某官見聞博洽議論宗飭尚書之履有聲典

刑是似部使之斧直指風采凜然皇華寧久於咨諏清

切即觀於獻納

並見前

某全為吳客共落楚鄉德必有隣

倚輔車而增重

輔說文頰車也左傳輔車相依注輔頰輔車牙車也或作輔易咸其輔虞云耳

目之間稱輔釋名曰頤或曰輔車其骨彊可以輔持其口或謂牙車牙所載也或謂頤車也詩巧笑倩兮毛傳云好口輔也詳此則牙車頤車牙下骨之名也頰之與輔口旁肉之名也蓋輔車一處分為二名耳輔是外表車是內骨故云相依觀唇齒之喻則皆近取諸身耳恐人以為車輔之輔故詳著之

服之無數藏

簡牘以為榮

詩為絺為綌服之無數

宗正

宋四朝志元豐官制行詔大宗正司不隸六曹大宗正以宗室團練使以上有德望者為之次

一人為同知位高屬尊者為判掌糾合族屬而訓之以德行道藝受其詞訟而糾正其愆違有罪則先劾以聞法例不能決者同上殿取裁凡宗室服屬遠近之數及其賞罰規式皆總屬之

代回西外趙知宗

不慮。慮苦謗切說文闕也漢武帝詔庶僚久慮。宋會要崇

寧九年蔡京申請宗正既許分居兩京輔郡乞於兩京置外宗正司擇宗正賢者管幹逐處各置一人仍於本州通判職官內選二人兼領丞簿凡外任宗室事不于州縣者外宗正受理大觀三年罷政和二年復置南渡後南外置司泉州西外置司福州丞係粹兼簿係僉判兼

小宰立班愧星辰之曳履

周禮小宰之職掌建邦之宮刑以治王宮之政令杜詩聽

履上星辰

大宗維翰貽月露之連篇

詩大邦維屏大宗維翰注大宗王之同姓適子

翰幹也李諤書連篇累牘不出月
露之形積案盈箱惟是風雲之狀
雖過乎情良感此意

恭惟某官忱恂有守信厚不浮

並見前

敷天揖同姓之聯

肅然糾合

左傳昔周公太公股肱周室夾輔成王成王勞之而賜之盟曰世世子孫無相害也載在

盟府太師職之桓公是以糾合諸侯而謀其不協彌達其闕而匡救其災昭舊職也書日宣三德

之敬莫不浚明

易書日三接尚書日宣三德

雖云為善之居家尤樂

推賢而報國有華新渥

杜詩新渥照乾坤

猥及陳人某司臬亡

庸共工甚忝

見前

虎拜稽首願觀蕃錫之榮

詩虎拜稽首天子萬年易

康侯用錫馬蕃

龍作納言已懼曠瘝之辱

尚書龍命汝作納言

庶晝日三接

代回西外趙知宗 不應

疏詔東平

後漢書東平憲王蒼建武十五年封東平公十七年進爵為王贊曰東平好善辭中委相

展親西外

尚書時庸展親

王曰叔父立愛始于家邦

詩王曰叔父建爾元

于尚書立愛惟親立敬惟長始于家邦終于四海

汝作秩宗受祉施於孫子

尚書

帝曰俞咨伯汝作秩宗詩既受帝祉施於孫子

棣華韡韡

韡音偉說文盛也詩棠棣之華鄂不韡韡

鄂通作訾毛傳鄂猶鄂然言外發也箋云承華者曰鄂

瓜瓞緜緜

瓞音埜詩緜緜瓜瓞民之初生

自土沮漆詩傳曰瓞小瓜在枝間連大瓜也以喻子孫承嗣也毛傳瓜紹也箋云瓜之本實繼先歲之瓜必小

狀似瓞故謂之瓞正義云瓜族類有二種大者瓜小者瓞瓜蔓近本之瓜必小於先歲之大瓜其小如瓞是

袍之恭惟某官大雅不羣為善最樂並見箴規磨琢蹈

別名衛武之流風

詩序淇澳美武公也有文章又能聽其規諫以禮自防故能入相于周美而作是詩

也忠義輪囷粲劉向之封事

劉向傳天子擢周堪為光祿勳堪弟子張猛光祿大

夫給事中大見信任弘恭石顯憚之數譖毀焉更生見堪猛在位幾已得復進懼其傾危乃上封事時上無繼嗣政由王氏出災異寢甚向謂陳湯曰災異如此而外家日盛其漸必危劉氏吾幸得同姓末屬歷事三主吾而不言孰當言者庸專糾合之任見上助成睦族之仁

周之宗盟誰若滕侯之長

左傳滕侯薛侯來朝爭長薛侯曰我先封滕侯曰我周之

卜正也薛庶姓也我不可以後之公使羽父請于薛侯曰周之宗盟異姓為後寡人若朝于薛不敢與諸任齒

君若辱貶寡人則願以滕君為請薛侯許之乃長滕侯

唐之宰相豈遺德裕之賢

新唐書宗室宰相傳贊唐宰相以宗室進者九人林甫

姦諛幾亡天下李程和柔在位無所發明其餘以財稱

職號賢宰相

某側聽渙揚未遑旅賀

渙旅卦名

召伯分治諒信如

麟趾之時

詩序闕雝之化行雖衰世之公予皆信厚如麟趾之時詳見前

長卿倦游愧

莫續兔園之賦

見前



四六標準卷二十六